

# বীরবাল্য

নাটক ।

সুপ্রসিদ্ধ গ্রীক বীর সিলিউকস এবং মগধেশ্বরের যুদ্ধ ]

শ্রীউমেশচন্দ্র গুপ্ত প্রণীত ।

“সমূলে সসৈন্যে নাশ রে মে ছেহরে,  
কাঁপাও যেদিনী বীর-দর্প-ভরে,  
হৃৎকার রবে কর আক্রমণ ।  
ভাসাও ভারত পিশাচ-শোণিতে,  
বিজয়-নিশান উড়াও ভারতে ।”

গ্রন্থকার ।

দ্বিতীয় সংস্করণ ।

কলিকাতা,

নং কলেজ স্ট্রীট, বেঙ্গল মেডিক্যাল লাইব্রেরী হইতে  
গুরুদাস চট্টোপাধ্যায় কর্তৃক প্রকাশিত

৩

নং মেছুয়াবাজার স্ট্রীট—বীণাযন্ত্রে  
শ্রীশরচ্চন্দ্র দেব কর্তৃক মুদ্রিত ।



## উৎসর্গ পত্র ।

একাত্তর

শ্রীমান্ পার্বতীশঙ্কর গুপ্ত চতুর্থীণ

শ্রীকরপ্রফুলকমলে ।

প্রিয়তম পার্বতীশঙ্কর !

তুমি জান যে প্রায়শ্ অভিনেতৃবর্গের অনুরোধ-বাধেই এই পুস্তকখানি প্রণয়ন করিয়াছি। ইহা শীঘ্র অতিনীত হইবে বলিয়া এক অল্প সময়ে লিখিত হইয়াছে যে, শুনিলে বিস্ময়াবিষ্ট হইবে। প্রায়শ্ মহোৎসব সময়ে বন্ধুবর্গ মিলিয়া জানন্দে ইহার প্রদর্শন করিবেন, এতদ্ব্যতীত আর কোন আশায় লুকাইয়া ইহাতে হস্তক্ষেপ করি নাই। তুমি সমুচিত অর্থ ব্যয়ে, অভিনয়ের সমস্ত আয়োজন করিয়া দিয়া, অভিনেতৃবর্গের অভিলাষ পূর্ণ করিয়াছ। বলিতে গেলে তুমিই ইহার প্রধান উৎসাহী, অতএব আমার বীরবাল। তোমার নিকটেই সমুচিত সমাদর প্রাপ্ত হইবে, উহাকে তোমার করেই সমর্পণ করিয়া নিশ্চিত হইলাম।

ষাইট্বর, তেওতা ।  
ইং ১৮৭৫ । ১২ই জুলাই ।

প্রণয়ন  
শ্রীউমেশচন্দ্র গুপ্ত ।



# বিজ্ঞাপন ।

---

আমি শ্রীবুদ্ধ বাবু উমেশচন্দ্র গুপ্ত মহাশয়ের নিকট হইতে  
হেম-নলিনী নাটক, মহারাষ্ট্র-কলঙ্ক নাটক এবং বীরবালা  
নাটক এই তিন খানি পুস্তকের গ্রন্থ-সত্ত্ব (Copy-right) ক্রয়  
করিয়া নিজব্যয়ে মুদ্রিত করাইয়া প্রকাশ করিলাম । এক্ষণ  
হইতে এই কএকখানি পুস্তকের টাইটেল পেজে ও কভারে  
“শ্রীউমেশচন্দ্র গুপ্ত প্রণীত” ব্যতীত গ্রন্থকারের অন্য কোন  
স্বত্ব রাখিল না ।

শ্রীগুরুদাস চট্টোপাধ্যায়,

প্রকাশক ।

বেঙ্গল মেডিক্যাল লাইব্রেরী,

৯৭ নং কলেজ স্ট্রীট—কলিকাতা ।

১১ই জ্যৈষ্ঠ, ১২৯১ সাল ।

## নাট্যোল্লিখিত ব্যক্তিগণ ।

### পুরুষগণ ।

চন্দ্রগুপ্ত (Chandra cotas) ...	মগধের রাজা ।
শিলবক্ষ (Seleucus Nictaor) ...	গ্রীক বীর ।
চাণক্য ...	চন্দ্রগুপ্তের মন্ত্রী ।
মেগেস্থিন্‌স্‌ ...	শিলবক্ষের সহকারী ।
থারেস (Thareacis) ...	শিলবক্ষের শ্যালক-পুত্র ।
মুকুন্দ ...	মগধের রাজকর্মচারী ।
দেওপাল ...	দেবানের (সিদ্ধদেবেশ্বর) রাজা ।
শিশুপাল ...	দেওপালের পুত্র ।

হিন্দুসৈন্য, গ্রীকসৈন্য, পার্শ্বিক, প্রতিহারী, বাদ্যকর, দূত ইত্যাদি ।

### নারীগণ ।

দিগম্বরী ...	চন্দ্রগুপ্তের মাতা ।
দামিনী ...	শিলবক্ষের স্ত্রী ।
বীরবালা ...	শিলবক্ষের পুত্রী ।
কুশলা ...	শিলবক্ষের ভ্রাতৃপুত্রী ।

এবং দাসী ইত্যাদি ।

# বীরবালা

প্রথম অঙ্ক ।

প্রথম দৃশ্য ।

মহারাজ চন্দ্রগুপ্তের রাজধানী ।—অস্তঃপুর ।

দিগম্বরী এবং চন্দ্রগুপ্ত আসীন ।

চন্দ্র । মা, আমায় কি জন্ম ডেকেছেন ?

দিগম্বরী । বাছা, বড় একটা কুম্বপন দেখেছি, মনটা বড় ব্যাকুল হয়েছে. তাই,—

চন্দ্র । (সহান্যে) কি স্বপ্ন দেখেছেন, বলুন না মা ?

দিগ । জগদীশ্বর জানেন, আমি ত কোনও দিন কারো অমঙ্গল চিন্তা করি না । (ক্রন্দন)

চন্দ্র । মা, স্বপ্ন দেখেছেন, তাতে এত ভয় কেন ? স্বপ্নে রাজা হলে কি লোকে সত্যই তাই হয় ?

দিগ । বাবারে, ভাল স্বপ্ন ফলে না, কুম্বপন প্রায়ই ফলে থাকে ; বাবা, আমি আর একবার স্বপ্ন দেখেছিলেম, যা দেখে-লেম তাই হলো, সেইবার তোমার পিতার কাল হলো, রাজ্যেও মহা বিপদ উপস্থিত হলো ।

## বীরবালা ।

চন্দ্র । না, মা, কিছু ভয় করবেন না । যা হবার তা আপ-  
নিই হয় । আপনি কি স্বপ্ন দেখেছেন ? বলুন ।

দিগ । স্বপ্নে দেখেছি কি, ( অঞ্চল দ্বারা চক্ষুর জল মুছিয়া )  
কুই যেন, একটা সিংহের সঙ্গে যুদ্ধ করছি'ন, সিংহটা এক এক বার  
সর্কে এসে বাবা, তোর উপরে পড়'ছে, আর তুই সর্কের আঘাত  
কমে আঘাত গর্জন করে কিয়ে যাচ্ছে, সিংহের শরীরেও রক্ত,  
তো'র শরীরও একেবারে রক্তারক্তি হয়ে গেছে, অবশেষে তুমুল  
সংগ্রামের পর সিংহটা সেন হার মেনে পালিয়ে গেল । আমি যেন  
কান্না আন তোর গা ধুইয়ে দিছি । এমন সময় একটা পাখী  
কান্নার ধারে এসে যেমন ডেকেছে, অমনি আমি চমকে জেগে  
উঠলেম, দেখি, প্রভাত হয়েছে । প্রাণ ধড়'কড় করে উঠল ।

চন্দ্র । ( স্বগত ) মা আমার ব্যথা দেখেছেন তা বড় মিথ্যা  
নয়, মহাশত্রু উপস্থিত, এ বলবান্ সিংহ অপেক্ষাও মহাবলী ।

দিগ । বাছা, বল দেখি, মায়ের প্রাণ কি এ স্বপ্ন দেখে  
সুস্থির থাকতে পারে ?

চন্দ্র । ( সহাস্যে ) মা, স্বপ্ন কিছুই নয়, আপনি চিন্তা করবেন  
না । আমি এখন যাই ।

[ প্রস্থান ।

দিগ । ( উর্ধ্বমুখে করবোড়ে প্রণামপূর্বক ) ঈশ্বরই জানেন ।  
( বীরনিঃশ্বাস পরিত্যাগ )



## দ্বিতীয় দৃশ্য ।

### রাজনভা ।

চন্দ্রগুপ্ত ও পারিষদবর্গ উপবিষ্ট ।

চন্দ্র । রাজ্যে শত্রু প্রবেশ করেছে । এখন আর তোমাদের নিশ্চিন্ত থাকার সময় নয় । সেই মহাবীর লোকেন্দ্র সাহাকে জান ত ?

১ম পারিষদ । আজ্ঞা হাঁ ।

চন্দ্র । তাঁর দক্ষিণ হস্তরূপ সেই মহাবল শিলবক্ষ দিষ্টি-  
জয় মাননে আজ গৃহের দ্বারে এসে উপস্থিত ।

২য় পারিষদ । মহারাজ, আর্ঘ্যশক্তির কাছে শিলবক্ষই হউন আর লৌহবক্ষই হউন মুহুর্তে চূর্ণীকৃত হয়ে যাবেন । আমরা কি ফেরুপাল ? বেটা ছলে বলে দুই একটা নির্বীৰ্য্য রাজ্য জয় করে মনে করেছে, এও বুঝি সেই ফেরুরাজ্য, এ যে আর্ঘ্যস্থান ।

চন্দ্র । (সুপ্রসন্নবদনে) আহা হা, এই শু আর্ঘ্যস্থানের উপ-  
যুক্ত কথা । আমি দর্পবাক্য, বীরবাক্য সর্বদাই শুনতে ভাল-  
বাসি । আমি এই জানি, আর্ঘ্যভূমি বীরপুত্রের কাঙ্ক্ষালিনী নয় ।  
শ্লেছপদাঘাতে আর্ঘ্যভূমি—মাতৃভূমি কখনই কলঙ্কিত হইবে না ।

পারিষদবর্গ । (উৎসাহে স্ফীত হইয়া) মহারাজ ! আজ্ঞা করেন  
ত, মহাযুদ্ধানলে শ্লেছ কীটকে এখনি ভস্মীভূত করে ফেলি ।

চন্দ্র । তোমাদের এ সাহস আশা উদ্বেককারী । আমি  
তোমাদিগের অনীম বলে, কোন্ ছার শিলবক্ষ, ব্রহ্মাণ্ডে সাগরে  
ডুবাইতে পারি । এখন ব্যস্ত হবার কোন আবশ্যক নাই ।  
সময়ে বেন তোমাদিগকে এন্নি রণ-প্রিয়ই দেখতে পাই ।

## বীরবাহা ।

### প্রতিহারীর প্রবেশ ।

প্রতি । (প্রণাম পূর্বক) মহারাজ, দিঘিজয়ী শিলবকেয়-দূত উপস্থিত । তাঁর মহারাজের সঙ্গে সাক্ষাৎ করবার ইচ্ছা ।

চন্দ্র । (সকলের প্রতি) দেখেছ ? (প্রতিহারীর প্রতি) আচ্ছা, যাও, তাঁকে আসতে বল ।

[ প্রতিহারীর প্রস্থান ।

১ম পারিষদ । স্লেচ্ছ-দূত যদি কোন বিরুদ্ধ অভিপ্রায় জ্ঞাপন করে, তবে তখনই ওর মূণ্ডচ্ছেদ করতে হবে ।

২য় ঐ । তার কি আর কথা আছে তাই ?

৩য় ঐ । উঃ আর্যভূমিতে স্লেচ্ছের পদার্পণ !!!

চন্দ্র । (সহাস্যে) তোমরা যেমন সমরপ্রিয় ও জয়লুক, বোধ হয়, তোমাদেরই বা তাই করতে হয় ।

### প্রতিহারীর সহিত দূতের প্রবেশ ।

দূত । (সম্ভ্রমাস্তে) রাজনু, মহারাজ নিলিউকস্ আপনার গারে অতিথি ; আপনি তাঁকে একবার জিজ্ঞাসাও কলেনু না ।

(স্বস্ত)

চন্দ্র । (দূতের প্রতি) বসুন ।

দূত । (সম্ভ্রমপূর্বক উপবেশন করিয়া) নিলিউকসের কি জন্ম দেশে আগমন হয়েছে, বোধ হয় আপনাকে অধিক করে বলতে হবে না । ইনি দিঘিজয়প্রিয় এবং সমরপ্রিয় । অনেক রাজ্যে বক্রপাতাকা উড়াইয়া এসেছেন । অনেক রাজার বল পরীক্ষা করেছেন ।

চন্দ্র । বেশ ভাল কথা, এখন উদ্দেশ্য জ্ঞাপন করুন, তাই গনি ।

দূত । নিলিউকস্ আমার এই কথা বলে পাঠিয়েছেন যে, 'তুমি গিয়ে, মহারাজ ছাঙ্গকোতস্কে আমার অভিবাদন জানিয়ে বলবে, আমি বিজয় ও সমরপ্রিয় ; হয়, তিনি আমার সঙ্গে যুদ্ধ করে দেশ রক্ষা করুন, না হয়, আঞ্জ-সমর্পণ করুন ।'

চন্দ্র । (সক্রোধে) তুমি দূত, বিশেষতঃ একাকী এসেছ, নতুবা এই দণ্ডেই তোমার মুণ্ডচ্ছেদ করে কেতাম। যাও, গিয়ে তোমার প্রভুকে বল, এ আৰ্য্যস্থান, এ শৃগালের বাসভূমি নয়। এখানে সিংহ রাজত্ব করে। অনেক কাল হইতে আমাদের খরশাণ তরবারি শুষ্ককণ্ঠ, এবার আনন্দে স্নেচ্ছশোণিতে অসির পিপাসা মিটাব। জেনো, আৰ্য্য-নস্তানগণের ভুল্য সমরপ্রিয় সংসারে আর নাই।

দূত । মহারাজ, অনেক দেশের রাজা আগে এইরূপ বীর-বাক্য শুনায়েছিল, কিন্তু মহাবীর নিলিউকস্ তাহাতে ভয় পাইবার লোক নহেন, অবশেষ সকলেরই দর্প চূর্ণিত হয়েছে।

চন্দ্র । তুমি দূত, তোমার সঙ্গে বাদানুবাদ করা মূর্খত্ব ও নীচত্ব, তুমি দূর হও।

দূত । কি ? আমি মহাবীর নিলিউকস্‌র দূত, আমার আপনি অপমান কল্লেন ?

চন্দ্র । (সহান্যে) তোমার পদোচিত সম্মান করা হয়েছে এখন যাও।

১ম পারিষদ । স্নেচ্ছের আবার মান অপমান ?

দূত । (সক্রোধে) মহারাজ ! আমি তবে চল্লম।

চন্দ্র । হাঁ, শিলবন্ধকে গিয়ে বল, এবার স্নেচ্ছশোণিতে ভারতভূমি আরো শস্ত্রশালিনী হবে।

[ স্নেচ্ছদূতের প্রস্থান ]

## দ্বিতীয় অঙ্ক ।

### প্রথম দৃশ্য ।

পর্কত-পার্শ্বে শিলবন্ধের শিবির ।

শিবিরাত্যন্তরে এক গৃহ ।

শিলবন্ধ, বীরবালা, দামিনী এবং কুশলা কাঠামনে  
উপবিষ্ট, মধ্যস্থলে আহাৰ্য্য ।

বীরবালা । বাবা, এখানকার পর্কতগুলিই বা কি সুন্দর,  
বাবা, আমরা যে এত ফুলের গন্ধ পাই, ও ফুল কি বাগানের ?  
( ফুলের তোড়ার প্রতি ) আর বাবা, এ ফুলই বা কোথেকে  
এলো ?

শিলবন্ধ । মা, এ বড় মনোরম দেশ, এখানকার মৃত্তিকায়  
সোনা জন্মে । লোকে বিনা পরিশ্রমে শস্ত পায় । এ ফুলও  
বাগানের নয়, এ বনফুল, আপনি কত ফুল ফুটে থাকে, কত  
ফুলের গাছ জন্মে । এ স্বভাবের বাগান, মানুষের নয় ; নহিলে  
মা, এত ফুল কি বাগান হতে ভুলে আনা যায় ? বাগানে করটা  
ফুলের গাছ থাকে মা ?

বীর । বাবা, এমন সুন্দর মৃষ্টি কল ত কখনও খাইনি ।  
এ ও কি অল্পে জাত বনফুল বাবা ?

শিল । মা, কার বাগানে এমন ফল জন্মে থাকে ? এ সকলই  
বনফল ।

বীর। বাবা, আমরা আর দেশে না গিয়ে এখানেই থাকি না কেন ? আমার ইচ্ছা হয় যে, এই নির্জনে বাস করি, বনফল খাই, ঝরণার শীতল জল পান করি।

শিল। কেন মা, তুমি কি নির্জন স্থান বড় ভালবাস ?

বীর। বাবা, আপনার সঙ্গে থেকে কেবল মৈত্রীগণের কোলাহল, অস্ত্রের ঝঞ্ঝনা, মূর্মুর আর্তনাদ, ভৈরীর ভৈরব নাদ, জয় ঢাকের বাদ্য, এ সকল শব্দে আর এখন ভাল লাগে না ; তাতেই ইচ্ছা হয়, যেখানে কলহ নাই এমনই স্থানে বাস করি।

শিল। ( দামিনী এবং কুশলার প্রতি ) আমার মায়ের কথা শোন তোমরা। ( হান্য ও বীরবালার প্রতি ) বেসু ত, তোমারে এই দেশের এক রাজার ছেলের সঙ্গে বে দিয়ে রেখে যাব কেমন ?

বীর। ( লজ্জানব্রবদনে ) মা, চল, ঐ নির্ঝরিতীর কাছে গিয়ে এক বার দেখে আসি কেমন কুল কুল করে অনবরত জল পড়ছে।

দূতের প্রবেশ।

শিল। ( কৌতুহলে ) কি সমাচার ?

দূত। ( সবিসাদে ) চান্দ্রকোতসুকে, শীঘ্র উপযুক্ত শাস্তি দেওয়া উচিত। যেখানে গিয়েছি, সেখানেই আপনার নামে রাজ্য পর্য্যন্ত কম্পিত হয়েছে, রাজারা আমায় কৃত সন্মান করেছে। এখানে এরা আমার কথা হান্যমুখে উড়িয়ে দিলে আর আমার কৃত অপমান কল্লো।

শিল। কি? অপমান, সে কি ?

বীরবালা ।

দূত । সে কথায় আর কাজ কি ? আমার কখনও এরূপ  
স্বপ্নবস্থা হয় নাই ।

শিল । ( চিন্তা করিয়া ) ভাল, রাজার বয়েস কত ?

দূত । পঁচিশের উর্ধ্ব নহে ।

শিল । দেখতে কেমন ?

দূত । দেখতে আমাদের দেশের লোক অপেক্ষায় সুন্দর,  
বলবান এবং সুচতুর ।

শিল । বখন আমার কথা বলে, তখন তাঁহার মুখে ভয়ের  
কোন লক্ষণ দেখলে ?

দূত । উন্ন দূরে থাকুক, আরো ক্ষুণ্ণ দেখলেম । ভয়ের  
চিহ্ন কিছুমাত্র তাঁর মুখে দেখলেম না, বরং যুদ্ধের কথায় যেন  
সমস্ত আনন্দ-তরঙ্গ তাঁহার বদনমণ্ডলে খেলতে লাগল ।

শিল । ( অঙ্গুলি চর্কণ করিতে করিতে ) সৈন্য, সভাসদ  
কিঙ্গপ দেখলে ?

দূত । যুদ্ধের কথায় কারো বদন অশ্রুস্রব দেখলেম না ।  
সকলেই তেজযুক্ত সিংহের ন্যায় বলবান্ এবং নির্ভীক ।

শিল । রাজ্য সুরক্ষিত কেমন ?

দূত । কিছুতেই ক্রটি দেখতে পেলেম না ।

বীর । বাবা, এ কোন্ রাজ্যের রাজা ?

শিল । এই রাজ্যের সঙ্গে তোমার বে দ্বি, কেমন ? (হাস্য)

দূত । ( বীরবালার প্রতি ) এই রাজার মুণ্ড কেটে আপনার  
পার দিব । ( শিলবন্ধ এবং দূতের হাস্য )

বীর । ( বিকৃত-বদনে অধোদৃষ্টি ) যা, চল না, এ বরণীর  
ধারে গিরে দেখে আসি ?

দায়িনী । আজ্, আর না, কাল্ বাব ।

শিল। (দূতের প্রতি) আর এখন নিশ্চিত থাকি উচিত নহে। তোমার নিকট বেরূপ শুনলেম, আমার খুব বিশ্বাস হচ্ছে, এরা সহজ লোক নয়, এরা নিতান্ত শৃগাল নয়। আপাততঃ আর শুদিগকে কোন সম্বাদ দিবার আবশ্যিক নাই। হঠাৎ একদিন আক্রমণ না করিলে আর কোন উপায় দেখি না।

প্রতিহারীর প্রবেশ।

প্রতি। একজন অশ্বারোহী ছাত্রকোত্তম রাজার নিকট থেকে এনেছে।

দূত। (মানন্দে) এখন বৃষ্টি বেটার জ্ঞান হয়েছে। সন্ধি-প্রস্তাবনার জন্য নিশ্চয়ই লোক পাঠিয়েছে।

শিল। ওহে লাফিও না, এত সহজে কে সন্ধি করতে পাঠায়? এদের বল আছে, বোধ হয়, যুদ্ধই করবে। (প্রতিহারীর প্রতি) যাও, রাজার লোককে এখানে আসতে বল।

[প্রতিহারীর প্রস্থান।

দূত। প্রভু, আমার অনুমান মিথ্যা হইবে না।

শিল। তুমি দূতের সম্পূর্ণ অযোগ্য লোক, তুমি প্রাচীন, বিশেষতঃ মহাবীর অলেক্জান্ডারের সময়ের, নতুবা তোমার গুণের কোনও অনুরোধই নাই।

আর্য্য-দূতের প্রবেশ।

শিল। (নমস্ক্রমে হস্তধারণ পূর্বক) বসুন।

আর্য্যদূত। আপনি রিঞ্জয়-ধাননা করেন। এবং হয় যুদ্ধ, না হয় আত্ম-অর্পণ, এই দুইয়ের একটি আপনার অভীক্ষিত। আমাদেরও চিরন্তন প্রথা, আমরা কখনও আত্ম-সমর্পণ করে থাকি না। গর্তীকরই এখন যুদ্ধ ব্যতীত আর আপনার মনস্তপ্তির অপার

বীরবালা ।

উপায় দেখি না । আপনি যুদ্ধের জন্য কবে প্রস্তুত হতে পারেন, মহারাজ কনিষ্ঠার জন্য আপনার নিকট আমার পাঠাইয়াছেন ।

শিল । (সহাস্যে) হঠাৎ আক্রমণ না করিলে আপনার মহারাজার জয়ের আশা বড় অল্প ।

আর্য্য । আমরা অস্ত্রহীন যোদ্ধা এবং অপ্রস্তুত শত্রুর সহিত যুদ্ধ করি না ।

শিল । (চিন্তা পূর্বক) আচ্ছা, আপনি তবে আসুন । যথানময়ে যুদ্ধের সংবাদ আমি মহারাজের নিকট প্রেরণ করব ।

[আর্য্যদূতের প্রস্থান ।

শিল । (দূতের প্রতি) দেখেছ, আর্য্যস্থান কেমন সুসভ্য । এর ব্যবহার কেমন দেখলে ? এবার খ্যাতি রক্ষা করা বড় সহজ ব্যাপার নয় । দেখবে, নিশ্চয়ই বিহয় সমরানল প্রজ্বলিত হবে ।

প্রতিহারীর পুনঃপ্রবেশ ।

প্রতি । সিন্ধুপতি আপনার নিকট উপস্থিত ।

শিল । (সহর্ষে) কি ? দেওপাল এসেছেন, যাও, শীঘ্র তাঁরে এখানে আনগে ।

[প্রতিহারী, বীরবালা, দামিনী ও কুশলার প্রস্থান ।

সিন্ধুপতির প্রবেশ ।

শিল । (হস্তধারণ পূর্বক) আসুন আসুন, আপনার ত আরো কদিন পূর্বে আসবার কথা ছিল ?

দেওপাল । আচ্ছা হাঁ, বিশেষ কারণে গৌণ হয়েছে ।

এদিককার কি পর্য্যন্ত ?

শিল । ছাত্রকোত্তম যুদ্ধের জন্য প্রস্তুত, সহজে আত্মসমর্পণ করবেন না ।



দেওপাল। সহজে না করেন অসহজে ত করবেন। ( উভয়ের হাস্য )

শিল। আপনার সহিত যেরূপ কথা ছিল, ভরসা করি, আপনি তাহা প্রতিপালন করবেন।

দেওপাল। আপনি যাহা প্রতিশ্রুত হয়েছেন, তাও বেন আপনার মনে থাকে।

শিল। আপনার কার্য আগে, পরে আমার।

দেও। অবশ্য।

শিল। আপনার মৈত্র্য নামস্ত সকল কোথায় ?

দেও। কতক আমার সঙ্গে আছে এবং কতক বাড়ীতে আছে।

শিল। তবে আপনি আর বিলম্ব করবেন না, সমস্ত মেনা সংগ্রহ করে, কর্তব্য কার্যে প্ররম্ব হউন। আর বিশ্বাসের জন্য আপনার প্রত্যেকে আমার নিকট কার্যোদ্ধার না হওয়া পর্যন্ত রাখতে হবে।

দেও। ( ক্ষণিক চিন্তার পর ) আচ্ছা, তাই হবে। শিশু-পালকে অল্প দিন মধ্যেই এখানে আমি পাঠিয়ে দিব।

শিল। না, তা হতে পারে না, আগে তাঁকে এখানে আনান।

দেও। আপনি কি আমার কথা অবিশ্বাস করলেন ?

শিল। অবিশ্বাসের কথা নহে, আমাদের কাজের বন্ধনীই এইরূপ।

দেও। আচ্ছা, তবে আজই তার জন্য লোক পাঠাইয়া দি।

## দ্বিতীয় দৃশ্য ।

নির্ঝরিণী-পার্শ্বে উপবন ।

বীরবালা ও কুশলা আনীনা ।

বীরবালা । কুশলে, দেখেছিস্ বোন, এখানকার কেমন সুন্দর শোভা ; এ দিকে নীল গগন দোলাইয়া পড়েছে, দূরের পর্কতশ্রেণী নীলিম গগনে যেন মিশে গিয়েছে, ওদিকে তরল-বজ্র-তের মত, জল-তরঙ্গ নাচিয়া নাগর পানে ছুটে যাচ্ছে । আবার কুল কুল শব্দে এই ক্ষুদ্র পর্কতের গাভিদেশ দিয়ে অনবরত জল-ধারা পড়ছে । বনফুলের অন্ত নাই, বনপাখীর অন্ত নাই, এদিকে ফুলের গন্ধ, ওদিকে পাখীর স্ককঠধ্বনি । বনু দেখি, কোন্ দিকে যাই এবং কোন্ দিকেই বা দেখি । এখানে জন প্রাণীর কোলা-হল নাই, কেমন নিস্তব্ধ, নির্জন, মনোরম্য স্থান ।

কুশলা । বেস্ ত, তুই ত এখানেই থাকবি, খুড়ো তোরে বে দিয়ে, এখানেই ঘর করে দিবেন, তা ত বলেছেনই ! তবেই ত তোরে মনোবাঞ্ছা পূর্ণ হবে । তুই এখানে বসে নিত্য নূতন স্বভাবের খেলা দেখবি । (হাস্য)

বীর । তোরে যে আরু কথা ।

কুশলা । হাঁ লো, যে রাজার সঙ্গে যুদ্ধ হবে, তাঁর নামটা না কি, ছানুটিকম্ না কি দিব্য নামটি, এদেশের নামগুলি আর এক ধরণের ।

বীর । ভাল বোন, আশ্চর্য্য কথা শোন, আমি ত কখনও নে রাজাকে দেখি নাই । আর আমি কখনও তাঁর চিন্তাও করি না, তবে তাঁরে স্বপ্নে দেখলেম কেন ?

কুশলা । (হাস্য পূর্বক) খুড়ো কৌতুক করে বলেছিলেন বলে, তুই বুঝি সকল সময়েই সেই রাজারে ভাবিস্, সত্য কি তাঁরই সঙ্গে তোর বে. হবে লো ?

বীর । যা, বোনু, তুই ঠাট্টা করছিস্. আর আমি বলব না ।

কুশলা । না বোনু, তোর পায় পড়ি, বল না ? আমি আর কৌতুক করোঁ না, বল ।

বীর । তবে বলি, দেখলেম কি, রাজা যেন আমাদের শিবিরে এসেছেন ।

কুশলা । বয়েস কত, দেখতে কেমন ?

বীর । সব বলছি শোনু না, বয়েস আর কি, যুবাপুরুষ, অমন দিব্য-কাঙ্ক্ষি-শরীর, কি যেন খাচ্ছিলেন, ওষ্ঠ দুখানি লাল টুকু টুকু দেখাচ্ছিল, অমন মুখশ্রী বলতে গেলে, আর দেখিনি ।

কুশলা । অমন করে শিহরিরে উঠলি যে ; বল না ?

বীর । না, বাবার সঙ্গে কথা বলছিলেন, এমন সময় আমি সেখানে গেলাম—

কুশলা । তার পর ?

বীর । বাবা আমার কোলে তুলে নিয়ে মুখখানি উঁচু করে ধরলেন ।

কুশলা । তুই আজ কথা বলতে অমন কচ্ছিস্ কেন ? তুই কি সেই রাজার সঙ্গে কথা বলছিস্ যে, এত লজ্জা করবি ?

বীর । (কৃত্রিম ক্রোধ প্রকাশ করিয়া ঈষদ্বাক্যে) যা, তুই যেন কেমন করিস্, আমি তা হলে আর বলব না ।

কুশ । বল, আর আমি কিছু বলব না, আর বল্লোই বা কি; তুই আর আমি বৈ ত আর এখানে কেউ নাই । তার পর কি হলো ?

বীর । তার পর আর কি, রাজা আমার মুখপানে তাকিয়ে  
হাস্তে লাগলেন আর বাবারে জিজ্ঞাসা করলেন, আপনার কন্যার  
বয়েস কত ?

দামিনী । পোনের । ( হাস্য )

বীর । ( লজ্জিত ভাবে ও অনুচৈঃস্বরে ) কুশলা, ঐ দেখ, মা  
সব শুনেছেন ।

দামিনী । ( নম্মুখে আনিয়া ) মা, আমি ত সব শুনুলেন ।  
( হাস্য )

কুশলা । খুড়ীমা, তোমার মেয়ের ঐ রাজার নফে বে হবার  
নাথ গেছে । ( হাস্য )

বীর । ( অকুটি পূর্বক ) তুই বড়—

দামিনী । এখন চলো, অনেক ক্ষণ এসে

[ সকলের প্রস্থান ।

## তৃতীয় অঙ্ক।

প্রথম দৃশ্য।

দুর্গাভ্যন্তর।

একপার্শ্বে আর্দ্র-সৈন্যগণ অপর পার্শ্বে মহারাজা চন্দ্র গুপ্ত।

চন্দ্র গুপ্ত। সৈন্যগণ! মহাবীর শিববন্ধের অসীম প্রতাপ এবং আশ্চর্য্য বুদ্ধকৌশল তোমাদিগের অবিদিত নাই। কাল্-ভুমুল সংগ্রামানল প্রাজ্বলিত হইবে, আর্দ্রাকুলের তোমরাই গৌরব, তোমরাই ভারতের প্রিয় পুত্র, ভারতের যা কিছু আশা ভরসা সকলি তোমাদিগের উপরে নির্ভর করে। দেশের হিতের জন্য এবং পরের হিতের জন্য যে শরীর ত্যাগ করে, বৈকুণ্ঠে তার গতি হয়। ইহলোকে যশ এবং পরলোকে সে অক্ষয় অনন্ত সুখ ভোগ করে। কাল্ যদি আমরা সমরানলে আবার বুদ্ধ বনিতা পর্য্যন্ত ভস্মীভূত হই, জগতে যদি আর্দ্র নাম পর্য্যন্তও লোপ হয়, তথাপি একজন জীবিত থাকিতে এ আর্দ্রভূমি স্লেচ্ছদিগের হস্তগত হইতে দিব না; সকলেরই এই পণ করা উচিত। যাহারা দাসত্ব-শৃঙ্খল পায় ধারণ করে এবং স্বাধীনতা-হীনতায় জীবন ধারণ করে, তাহারা মনুম্যান্যের অধিকারী নহে। (চারি দিক হইতে, অবশ্য অবশ্য) একবার সৈন্যগণ জয়ধ্বনি পূর্ব্বক বীর-দর্পে দাঁড়াও দেখি, (সকলে জয়ধ্বনি পূর্ব্বক সরলভাবে দণ্ডায়মান হওন) একবার আনমুদ্রধরা কম্পিত করে সকলে মিলে গভীর নির্ঘোষে বিজয়গীতি গান কর দেখি। (সৈন্যগণ দ্বিভাগ হইয়া দণ্ডায়মান হওন)



( ১ম ) । সৈন্য-ভাগ ।

বিজয়-নিশান উড়াও ভারতে,  
সাহস ভরেতে চল রে ত্বরিতে  
ভীষণ বীর-দর্পে স্নেছে দলিতে  
সুখেতে হাসিয়া সংগ্রাম-খেলাতে ।

মাতিয়ে রণে অতীত অন্তরে,  
নাশ রে সমস্ত অরাতি-নিকরে,  
লহ ধনুর্বাণ আর খর শাণ  
স্নেছে-মুণ্ড খণ্ড কর রে নিভীতে ।

( ২য় ) । বিজয়-নিশান উড়াও ভারতে,  
সাহস-ভরেতে চল রে ত্বরিতে  
ভীষণ বীর-দর্পে স্নেছে দলিতে  
সুখেতে হাসিয়া সংগ্রাম-খেলাতে ।

( ১ম ) । আৰ্য্যপুত্র সম, কেবা বলী বলে,  
অপার শক্তি সংগ্রাম-কৌশলে ।  
স্বর ভীষ্ম কর্ণ অমর-নিকরে  
উগ্রচণ্ডা চণ্ডীকে দৈত্য মাঝেতে ॥

( ২য় ) । বিজয়-নিশান উড়াও ভারতে, ইত্যাদি ।

( ১ম ) । কি ভয়, আৰ্য্যশিশু, স্নেছে-সমরে ?  
সিংহশিশু কি হে মেঘপালে ডরে ?

ধর কুতূহলে, ছেড় স্লেচ্ছ-শূরে ।  
একজনে বধ কর শতে শতে ॥

( ২য় ) । বিজয় নিশান উড়াও ভারতে ইত্যাদি ।

( ১ম ) । সমূলে সসৈন্যে নাশ রে স্লেচ্ছেরে  
কাঁপাও মেদিনী বীর-দর্প ভরে  
ছত্কার রবে কর আক্রমণ  
ভাসাও ভারত পিশাচ শোণিতে ।

( ২য় ) । বিজয় নিশান উড়াও ভারতে ইত্যাদি ।

[ নেপথ্যে স্বঃ হব্ শব্দ ।

প্রধান সেনানী । মহা রাজ ! দেখুন, কাতারে কাতারে অগণ্য  
সৈন্য এনে দুর্গ পরিপূর্ণ হলো ।

২য় । মহারাজের জীবন্ত উৎসাহ বাক্যে আত্ম পর্যন্তও  
রণোন্মত্ত হয়ে বাহুস্ফেদিত করিতে করিতে আসিতে ।

চন্দ্র । ( মানন্দে ) আজ জানলাম, আর্ষভূমির তুণ পাঁচটি  
পর্যন্তও মহাজীবন বিশিষ্ট । আমি এখন মহা সাহসে বসন্তে  
পারি, ক্ষীণবল শিলবন্ধকে বালুকাবিন্দুর ন্যায় কুৎকারে উড়াইয়া  
দিতে পারব । আমার আজ অপার আনন্দ, তোমরা এখন  
একবার সকলে বিজয় সিংহনাদ করে আপন আপন বিশ্রামালয়ে  
গমন কর ।

( আনন্দপূর্বক সকলের সিংহনাদ )

## দ্বিতীয় দৃশ্য ।

শিলবন্ধের শিবিরের মধ্যে এক নির্জন গৃহ ।

বীরবালা আনীনা ।

বীরবালা । ( স্বগত ) পিতা কোতুকে বা বলেছিলেন, তাই কি বিষম আগুনের মত আমার হৃদয় দগ্ধ করবে ? সামান্য উপ-  
হাসের আঘাত এ পোড়া হৃদয় সহিতে পারিল না ! ! ছাত্রকোতম্ !  
তুমি বিজ্ঞানি, তুমি বিপক্ষ, তোমায় ত আমি কখনও দেখি নাই,  
কেবল তোমার নাম আর বলের কথা শুনেছি মাত্র । তোমার  
নামের কি অদ্ভুত মোহিনী শক্তি না জানি তোমায় দেখলে কি  
হতো ! ! তুমি অদৃশ্যে কেনন করে আমার হৃদয় লক্ষ্য করলে ? হায় !  
পিতৃশত্রুর প্রতি এ কি অবৈধ ভাব জন্মিল ! সহস্রবার বুঝিতেছি,  
আমি পাগলিনী হয়েছি, আমি ছুরাশা-সমুদ্রে ঝাঁপ দিয়েছি, এবং  
আমি বিষম কাঁটার পথে পা দিয়েছি, তবুও হৃদয়কে বুঝাতে  
পারেনি না ! ! হৃদয় ! তোমায় আবার বলি, তুমি এ অস্বাভাবিক  
আশা পরিত্যাগ কর । হয় ত কাল্ য়ার ছিন্নমস্তক শিবিরে  
মুম্বায় লুটাইতে দেখবে, আজ হৃদয় তার জন্য কেন এত ব্যাকুল  
হয়েছে ! (দীর্ঘ নিশ্বাস ত্যাগ) ছাত্রকোতম্ ! তুমিই বা কেন আত্ম-  
সমর্পণ করে না । মা না, তা আমি ভাববও না । তা হলে বে,  
প্রিয়তমকে সকলে কাপুরুষ বলিবে, একথা আমার হৃদয়ে সঙ্ঘ  
হবে না । প্রাণেশ্বর ! তুমি বীরের মত শরীর পরিত্যাগ করো,  
আমি সে কথা ভেবেও অনেক সময় অশ্রু সঞ্চার করতে পারব ।  
আমি কি করব ? আমি যে পাগল হলেম ! ! !



( গীত ) এস হে আনন্দচক্র, হৃদয়-আকাশে ।

আজি ঘোরা রজনী আন্ধার সব, তড়িৎও না চমকে রে ।

তৃতীয় দৃশ্য ।

কক্ষান্তরে শিশুপাল নিদ্রিত ।

কুশলার প্রবেশ ।

কুশলা । ( স্বগত ) আহা ! রূপের স্ত্রী দেখ, এই রূপ এই গুণ নিয়ে আবার বীরবালার মনোহরণের চেষ্টা হচ্ছে, আ মরণ আর কি, বুদ্ধি দেখ, আমায় বলেন, “আমার ঘট্‌কালী করে দাও,” বা হোক একে নে, কিছু আমোদ করা যাক্ । খুড়ো ভাল লোক এনে-ছেন, এ থাকলে আর তাঁর রণবাদ্যের আবশ্যক হবে না । এ নাশক বাদ্যের কাছে কিনের রণবাদ্য । একবার ডেকে দেখি, ( প্রকাশ্যে ) ওগো মহাশয়, গা তুলুন, দিবাশয়ন ভাল নয় ।

শিশুপাল । উঃ । (পার্শ্ব-পরিবর্তন)

কুশলা । ওগো উঠুন, আর কত ঘুমাবেন ।

শিশুপাল । ( চমকিয়া গাত্ৰোথান ) অ্যা, আপনি আমাকে কমা করবেন, শরীর কিছু অসুস্থ হয়েছিল, তাই একটুকু শুয়েছি-লেম ।

কুশলা । আপনি বড় বোকা, স্বকাৰ্য্যসাধনে আপনার কিছু-মাত্র বড় নেই ।

শিশু । কেন ? আপনি বা বলবেন, আমি তাই করব ।

কুশলা । আপনি আমার কথা শুনেও, বীরবালী আপ-  
নার হয়ে বসে আছে ।

শিশু । বীরবালী কি আমার কথা কিছু বলেন ?

কুশলা । আপনি বীরবালীর কথা জিজ্ঞাসা করেন, কৈ  
আপনি ত একদিনও তাঁকে মনেও করেন না ? আমি এ কথা  
বীরবালীকে বলে দিব ।

শিশু । অজ্ঞান, আপনার গায় ধরি, তাঁকে কিছু বল-  
বেন না, তাঁর জন্তু আমার আহার নিদ্রা নাই ।

কুশলা । তাই বটে, এতক্ষণ যেন কে নাক ডাকিয়ে নিদ্রা  
যাচ্ছিল ?

শিশু । তা যা হোক, আমি এক পলের জন্তুও তাঁকে  
ভুলিতে পারি না ; যাতে তিনি আমার প্রতি শীত্র দয়া করেন,  
তা করে দিন ।

কুশলা । আমি এ ব্যবৎ, আপনার সঙ্গে কেবল কৌতুকই  
করেছি । বস্তুতঃ আমার বসুবার আগে থেকেই বীরবালী আপ-  
নার প্রতি আসক্ত হয়েছেন ।

শিশু । আমার মাথার দিকি ।

কুশলা । আপনি পাগল, আমি কি আপনার কাছে মিথ্যা  
কথা বলছি ?

শিশু । তবে আমাকে একবার তাঁর কাছে নিয়ে চলুন ।  
(মানন্দে হীত )

কালেওড়া—তাল মধ্যমান ।

“মনোরথ আজি পুরিল ।

দুখ-শশী হলো অস্ত, সুখ-তপন উদিল ॥

আহা মনোরথ আজি পুরিল ।

কুশলা । আপনি চীৎকার করে গান করবেন না, আমি যা বলি, তাই করুন ।

শিশু । বলুন, আমি প্রস্তুত আছি ।

কুশলা । তবে আপনাকে স্ত্রীলোকের মত কাপড় পরতে হবে, তা না হলে পুরুষবেশ কি করে সর্সদা বীরবালার মত থাকবেন ? তিনি এই কথাটি আমার চুপি চুপি বলে দিয়েছেন ।

শিশু । অ্যা তিনি বলেছেন ?

কুশলা । আপনি যদি শীঘ্র তাঁর সাফাৎ চান, তা হলে আমি যা বলি তাই করুন, এত উত্তমা হবেন না ।

শিশু । আচ্ছা ।

কুশলা । তবে স্ত্রীলোকের বেশ পরুন, নিম্ন এই কাপড়খানা পরিধান করুন । ( শিশুপালের বস্ত্র পরিধান ) বেশ হয়েছে কিন্তু হয়েছে হয়নি এ গৌকজোড় টি ফেলে দিতে হবে ।

শিশু । স্ত্রীলোকের পরিচ্ছদ পাল্লম. আবার তার উপর-গৌক ফেলতে পারব না ।

কুশলা । আপনি ত বড় নির্দোষ, আমি যা বলি, তাই করুন । শেষে আমার দোষ দিতে পারবেন না, আর গৌক না ফেললে ত পুরুষ বলে ধরা পড়বেন ।

শিশু । আজ্ঞে আচ্ছা, তবে ফেলে দিন । কিন্তু গৌক-জোড়টার জন্য প্রাণটা কেমন কেমন করছে । না ফেললে কি হয় না ?

কুশলা । আপনার যদি বীরবালার চেয়ে গৌকের অধিক মমতা হয়ে থাকে, তা হলে রাখুন ।

শিশু । আচ্ছা, তবে ফেলে দিন । ( কুশলার কাঁচি দ্বারা গৌক কাটয়া দেওয়া )

কুশলা । এই ত বেশ হয়েছে, তবে কামান দাড়ি গোক  
শিলি দেখে বুদ্ধিমান লোকের কিঞ্চিৎ সন্দেহ জন্মিতে পারে,  
অতএব সে পথটাও পরিষ্কার করা উচিত ।

শিশু । আবার কি কর্কেন ?

কুশলা । মুখে কিছু রং দে দিব, তা হলেই হলো, ( দ্রুতবেগে  
গিয়া কয়লাচূর্ণ, তেল এবং চক খড়ি আনয়ন পূর্বক শিশুপালের  
মুখে মাখিয়া দেওয়া ) এই বার বেশ হলো ।

শিশু । ছি, আপনি আমার মুখে কি দিচ্ছেন ?

কুশলা । আমি আপনার অনুপকারী নই, যা বলি তাই  
করুন । আপনি আমার কার্য্যে কোনরূপ প্রসন্ন করবেন না ।

শিশু । না ।

কুশলা । এখন চলুন, যে গৃহে বীরবালা থাকেন আপনি  
তাত জানেন ?

শিশু । আজ্ঞা, আপনার প্রসাদে তা আমার জ্ঞানা আছে ।

কুশলা । তবে সেখানে বাউন । আপনাকে দেখলেই তিনি  
চিনবেন । কার্য্যনিষ্কি হলে আমার কি দিয়ে বিদায় করবেন  
তাই বলুন ? ( হান্য )

শিশু । সবই আপনার ; আমি তবে এখন বাই, আর  
কিছু করা কর্তব্য নয় ।

[ শিশুপালের প্রস্থান ।

কুশলা । ( সহাস্তে ) একবার বাই দেখি, তারেশের কাছে  
কি কথায় গুলি বলি । হাস্তে হাস্তে বুক কেটে যাচ্ছে ।

( নেপথ্যে কোলাহল )

[ কুশলার বেগে প্রস্থান ।

## চতুর্থ দৃশ্য ।

### শিবির

শিলবক্ষ এবং অমাত্যবর্গ ।

শিল । শুনেছ কেমন সমুদ্রকল্লোলের স্রাব শব্দ হচ্ছে । সব আর্য্যসেনা একত্রিত হচ্ছে । যে দেশে এত দূর শক্তিমামা, এবং এক-প্রাণতা আছে, সে দেশ কখনই পরহস্তগত হতে পারে না ।

মেগেস্থিস । অসংখ্য লোক হলেও আমি ওদিগকে কিছু-মাত্র ভয় করি না, সব শৃগাল, যখন আমাদের সেনাতরঙ্গ গর্জিয়া ছত্কার-নাদে ওদের সেনার উপর পড়িবে তখন দেখিতে পাইলেন যে, ওরা পালাবার পথও পাবে না । আর বিশেষতঃ ( দেওপাল ) সিন্ধুপতি আমাদের পক্ষে আছেন ।

স্রীবেশে শিশুপালের প্রবেশ ।

শিল । একি, অ্যা, পাগল নাকি ?

মেগেস্থিস্ । আজ্ঞা, এষে না স্রী, না পুরুষ ।

শিল । তাহিত, স্রীলোকের কাপড় পরা, এদিকে দাড়ি গোঁফও কামিয়েছে, আবার তেল কালি দে মুখ খানি চিত্র করেছে; এ নিশ্চয়ই পাগল ।

শিশু । ( স্বগত ) আমি নিরোধ, হতভাগিনীর চক্রে পড়ে আমার এই দশা হলো, এখন কোন মতে চিন্তে না পারে তবেই এখন হয়, পাগলামিই করি । ( বৃত্ত ) তানা নানা, তানা নানা ।

শিল । ( প্রতিহারীর প্রতি ) এ পাগলাকে বেঁকে রেখে

মাও. পাগল কি ছদ্মবেশধারী দুই লোক বুঝতে পাচ্ছি না ।  
আগি যখন আদেশ করুব তখন একে নিয়ে এল ।

প্রতি । যে আচ্ছা ।

[ পাগলকে বন্ধন বসিয়ে লইয়া প্রতিহারীর প্রস্থান ।

শিল । ( জনান্তিকে ) আমাদের এ যাত্রার ফল বড় ভাল  
হবে না । এবার যেন আমার হৃদয়ে স্ফূর্তি মাত্র বোধ হচ্ছে না ।

ব্যস্তভাবে কুশলার প্রবেশ ।

শিল । কি জন্ম মা, এত ব্যস্ত কেন ?

কুশলা । খুড়ো মহাশয় ! শীঘ্র আসুন, বীরবালা যেন কেমন  
কেমন বচ্ছে ।

শিল । অ্যা, কি হয়েছে ।

[ সকলের প্রস্থান ।

## চতুর্থ অঙ্ক ।

প্রথম দৃশ্য ।

চন্দ্রগুপ্তের রাজসভা ।

চন্দ্রগুপ্ত ও মুকুন্দ

চন্দ্র । দেখ মুকুন্দ, সিন্ধুপতি দেওপাল একবার স্নেহের নিকট আত্মসমর্পণ করেছিল, তখন ওঁকে আমাদের বিশ্বাস করা কোন ক্রমেই উচিত নয় ।

উর্দ্ধ্বাসে একজন দূতের প্রবেশ ।

দূত । মহারাজার জয় হউক ।

চন্দ্র । কেমন হে, কি রকম দেখে এলে ?

দূত । মহারাজ ! স্নেহ-সেনারা নিতান্ত অসতর্ক অবস্থায় থাকে, আগ্নি ছদ্মবেশে সকলই দেখে এলেম অন্যান্য বিষয়ের মধ্যে দুইটি নূতন সংবাদ এনেছি । অনুমতি হয় ত নিবেদন করি ।

চন্দ্র । হাঁ, বল ।

দূত । মহারাজ ! সিন্ধুপতি দেওপাল এক ছুরভিসন্ধি করেছেন, তিনি আমাদের সঙ্গে যোগ দিয়ে অবশেষে যুদ্ধের সময় বিশ্বাসঘাতকতা করে সর্বনাশ করবেন । শিলক ও রাজ্য তাঁকে দিয়ে যাবে, এই লোভে তিনি এতদূর কর্তে অগ্রসর হয়েছেন । এমন কি, আপনার বিশ্বাসজন্য পুত্রকে স্নেহ-শিবিরে বন্দী রেখে এনেছেন ।

চন্দ্র । ( মুকুন্দের প্রতি ) কেমন হে, আগি ত আগেই বলে-  
ইলাম, দেওপালের ছুরভিনক্ষি আছে । এই শুন, এখন, এ  
কি বলে ।

দূত । মহারাজ ! আর এক কথা, শিলবন্ধের কন্যা পরম  
পবিত্রী, তিনি পাখল হয়ে কেবল আপনার নাম কচ্ছেন ।  
সকল শিবিরে সকলেই বাস্ত আছে ।

চন্দ্র । কি ? আমার নাম ?

দেওপালের প্রবেশ ।

চন্দ্র । আসুন, মহাশয় ! বসুন ।

দেও । ( উপবেশন করতঃ ) বাহাতে স্নেহগণকে সমূলে  
বিনাশ করতে পারা যায় তাহাই কর্তব্য । এবার আমাদের  
কোন ভাবনাই নাই, আপনার অসংখ্য সৈন্য, আমারও আপ-  
নার অপেক্ষা ন্যূন নয়, সম্মিলিত হয়ে যুদ্ধ কল্পে আর কারেও কি  
ভয় করি ?

চন্দ্র । আপনি যা বলেন, অবশ্য ভাল কথা । কিন্তু শিল-  
বন্ধের শিবিরে যেমন বিশ্বাসের জন্য পুত্রটিকে রেখে এনেছেন,  
সেইরূপ, যুদ্ধ না হওয়া পর্যন্ত আপনাকে আমার নিকট আবদ্ধ  
ধাকতে হবে ।

দেও । না মহারাজ, আমার পুত্র বাড়ী আছে । আপনি  
আমার কথায় অবিশ্বাস করবেন না ।

চন্দ্র । যাহারা অনায়াসে স্নেহের পদানত হতে পারে, তারা  
বরপ্রাপ্ত, পশু । আমি ঘৃণিত পশুজাতির প্রতি কখনই বিশ্বাস-  
স্থাপন করতে পারি না ।

( চন্দ্রওঁর আদেশানুসারে দেওপাল বন্দিগৃহে নীত হইলেন )

দেও । ( স্বগতঃ ) হার । আমার এদিক ওদিক দুই দিকই  
যে গেল । আমি যেমন লোক, তেমনি আমার পরিণাম ।



দ্বিতীয় দৃশ্য ।

শিলবন্ধের শিবির-অভ্যন্তরে গৃহ ।

বীরবালা ।

বীরবালা । ( উন্মাদিনীর ন্যায় গীত )

“এস হে আনন্দ-চন্দ্র, হৃদয়-আকাশে ।

আজি যোরা নজনী আন্ধার সব, তড়িৎ না চমকে রে ॥”

শিলবন্ধের প্রবেশ ।

শিল । মা, কি হয়েছে ?

বীরবালা । ( নিস্তব্ধ )

শিল । ওমা, মা ।

বীর । বাবা ।

শিল । তোমার কি হয়েছে মা ?

বীর । বাবা, কৈ আমার ত কিছুই হয় নাই ।

দামিনী ও কুশলার প্রবেশ ।

দামিনী । এইত, মা বসে রয়েছেন ।

শিল । আজ রজনী প্রভাত হলেই নন্দরানল জ্বলে উঠবে ।  
শুনেছি, ছাত্রকোত্তম নাকি বড় বীর, কাল তাঁর বীরত্ব দেখা  
যাবে । বীরবালে ! তুমি আমার সঙ্গে রণক্ষেত্রে যাবে ?

বীর । ( সহর্ষে ) বাবা ! আমি যাব ।

[ বীরবালা ব্যতীত সকলের প্রস্থান ।

বীর । ( স্বপ্নত ) আমি বীরের সম্ভান, জন্মাবধি বাবার সঙ্গে  
সঙ্গে রণতরঙ্গে ভেঙ্গে ভেঙ্গে বেড়াচ্ছি । আমি জানি, আমার হৃদয়  
পাষণ । আমিও পাষণ, তা না হলে, অনাখ্য লোকের ছিন্নমুণ্ড

পদদলিত করেছি, কত মুমূর্ষুর আর্তনাদ শুনেছি, কত স্বামী-বির-  
হিণীকে মৃত পতির রুধির-সিক্ত হয়ে লুটিয়ে কাঁদতে দেখেছি,  
তবুও আমার হৃদয় বিচলিত হয় নাই কেন ? হায়, অভ্যাস-স্বধর্মে,  
যে হৃদয়ে বজ্রপাত বারিবিন্দু-পাতের মত অনুভব করিতাম, সেই  
কঠিন অনমনীয় পাষণপ্রাণ সুকুমার কুমুমাঘাতে, অসংখ্য চূর্ণী-  
কৃত হইল ! ! ঈশ্বর ! তুমি সকলই কর্তে পার ।

“তুমি পশুরে লজ্জাও গিরি,  
মৃগাল-সূত্রেতে বাঁধ করী ।”

### তৃতীয় দৃশ্য ।

প্রাতঃকাল ।

মহারাজ চন্দ্রগুপ্তের রাজধানীর সম্মুখবর্তী রূহৎ প্রান্তর ।

সেনা, সেনাপতি, বাদ্যকর, প্রভৃতি ।

প্রধান সেনাপতি । ভ্রাতৃগণ ! আজ আমাদের আনন্দের  
দিন, আজ স্নেহশোণিতে সমারঙ্গণ প্রাবিত কর্ব । স্নেহগণ  
কেমন সমরবিশারদ আজ তা দেখ্ব । এস, সকলে মিলে একবার  
মহারাজের জয়ধ্বনি করি । ( সকলে, জয় মহারাজাধিরাজ চন্দ্র-  
গুপ্তের জয় )

প্রধান সেনাপতি । ভ্রাতৃগণ ! ঐ শুন, এখনও আমাদের জয়-  
ধ্বনি পর্বতপরম্পরায় প্রতিধ্বনিত হচ্ছে । এস, আর একবার জয়-  
ধ্বনি করি । ( সকলে, জয় মহারাজাধিরাজ চন্দ্রগুপ্তের জয় )

( রণবাদ্য )

যুদ্ধবেশে মহারাজ চন্দ্রগুপ্তের প্রবেশ ।

( আবার সকলে, মহারাজাধিরাজ চন্দ্রগুপ্তের জয় )

চন্দ্রগুপ্ত । প্রিয় সৈন্যগণ ! তোমাদের উৎসাহ দেখে, আজ আমার আনন্দের পরিসীমা নাই । তোমাদের স্তায় নমরপ্রিয় এবং অসীম বলশালী, সুনৈষ্ঠ যার আজ্ঞাবহ, সে জগৎকে তুণ জ্ঞান করতে পারে । তোমাদের সাহসে আজ আমি শিলবক্ষের অমিত বলকেও মেঘপালের ন্যায় জ্ঞান করছি । আর গৌণ করা উচিত নয়, চল, যুদ্ধক্ষেত্রে যাই, চল, একবার সিংহদর্পে স্নেহে সমূলে ধ্বংস করে আসি ।

[ জয়ধ্বনি পূর্বক সকলের প্রস্থান এবং রণবাদ্য ।

চতুর্থ দৃশ্য ।

শিলবক্ষের শিবিরের সম্মুখ ভাগ ।

শিলবক্ষ এবং পাঁচাত্ত স্নেহ-সৈন্যগণ ।

শিলবক্ষ । ( সৈন্যগণের প্রতি ) দেখ, অদ্যকার যুদ্ধই যুদ্ধ, এ পর্য্যন্ত যত রাজ্য জয় করেছে, যত যুদ্ধ করেছে বোধ হয়, অদ্যকার যুদ্ধের ন্যায় কোন যুদ্ধই হবে না । দেখ, রাজা ছাত্রকোতসের হৃৎপাত মাত্রও নাই । অসীম বলে, অসীম সাহসে, মানসে এবং সোৎসাহে সমরানল প্রজ্বলিত করিতেছেন । সৈন্য-বল এবং অসাধারণ বীরত্ব না থাকিলে কে এ দুঃসাহসিক কার্যে প্ররুত হতে পারে ? এদেশীয় বিশেষতঃ হিন্দু-সৈন্যের প্রতি তোমাদিগের যে ঘৃণা আছে, আজ সে ঘৃণা পরিত্যাগ কর,

আজ্জ্ প্রাণপণে সমরভরঙ্গে নিমগ্ন হও । ছাত্রকোতনের নৈশ্চয়গণ,  
সিংহের মত বলবান । মহারাজ স্বয়ং মহাবীর, অতএব আজ্জ্  
বিশেষ কৌশলের সহিত প্রাণপণে যুদ্ধ না করিলে, কি দুর্ভাগ্য  
যে হবে তা বলতে পারি না । চল, সকলে বীরদর্পে চল ।

[ রণবাদ্য এবং সকলের প্রস্থান ।

পঞ্চম দৃশ্য ।

শিবির মধ্যে এক গৃহ ।

বীরবালা এবং কুশলা ।

কুশলা । বীরবালে ! তোর এ উগ্রচণ্ডা মূর্তি দেখে আমার  
ভয় কচ্ছে । যুদ্ধবেশ ধারণ করেছিস্, তুই কি নতাই যুদ্ধে যাবি  
নাকি ?

বীরবালা । ( নানন্দে ) যুদ্ধে যাব বৈ কি ? ( তরবারি  
উত্তোলিত করিয়া ) এই দেখ্ আমার অসি, আজ্জ্ এই অসির  
আঘাতে কত বীরপুরুষকে বধ করব ।

কুশলা । একি শো ? যুদ্ধে যেতে এত ফুল, ফুলের মালা  
কেন ? এ সব দিয়ে তুই কি করবি ?

বীর । যুদ্ধে যিনি সকল অপেক্ষায় 'অধিক' বীরত্ব প্রকাশ  
করবেন, এ ফুল তাঁরই মস্তকে বর্ষণ করব, আর এ কুমুমমালা  
তাঁরই গলে পরাব ।

কুশলা । তবে কি তুই নিশ্চয়ই যুদ্ধে যাবি ?

বীর । আমার নিশ্চয় কি ?

কুশলা । আর, তোর এ আলুলায়িত চুলগুলি বেঁধে দি ।

বীর । না, আমার আর চুল বেঁধে কাজ নাই ।

কুশলা । তোর এ ভৈরবী বেশ দেখাতে খুড়িগাকে একবার ডেকে আনি ।

[ দ্রুতবেগে কুশলার প্রস্থান ।

বীর । স্বগত) এই মালা আজ বীরকেশরী ছান্দুকোতসের মাঝে পরাব । আর এ অসি কেন ? প্রিয়বরের অমঙ্গল হলে, ইহাই আমার শাস্তির আশ্রয়-স্বরূপ হবে । এই অসি আমার ছান্দুকোতসের নিধন-কুবর্তী শূনে অসুখী হতে দিবে না ।— প্রিয় অসি ! এস, তোমায় হৃদয়ে ধারণ করি । (অসিকে আলিঙ্গন)

যুদ্ধবেশে শিলবন্ধ এনং সঙ্গে সঙ্গে দামিনী

ও কুশলার প্রবেশ ।

শিলবন্ধ । (সহাস্ত্রে) রণপ্রিয় মা আমার প্রস্তুত হয়ে বনে আছেন । মা ! তোর এ সূর্য্যতেজস্পূর্ণ বদন দেখে আমারই যে ভয় কচ্ছে । মা, আমার অনিধারিণী স্বর্গীয় দেবী । (গণ্ডে চুপন করত) মা, বীরত্বের উৎসাহ-মূর্তি । বীরবালে ! তুমি কি নতাই যুদ্ধে যাবে ?

বীর । বাবা, আমি যাব ।

দামিনী । (সহাস্ত্রে) পাগলিনি ! তুই কোথায় যাবি ?

বীর । মা, আমি যুদ্ধে যাব ।

শিল । আর গৌণ নিষ্প্রয়োজন (দামিনীর করম্পর্শ করিয়া ও কুশলার শিরশ্চুম্বন করতঃ) বীরবালে । যাবে তু চল মা ।

[ শিলবন্ধ বীরবালার কর ধারণপূর্বক প্রস্থান ।

## পঞ্চম অঙ্ক ।

### প্রথম দৃশ্য ।

#### যুদ্ধক্ষেত্র ।

হিন্দু সৈন্যগণ এবং মহারাজ চন্দ্রশেখরের প্রবেশ ।

চন্দ্রশেখর । ঐ দেখ, স্লেচ্ছসৈন্যের পতাকা দেখা যাচ্ছে।  
ক্ষণকাল পরেই এরা এসে উপস্থিত হবে। তোমরা এখন এমন  
প্রস্তুত হয়ে থাকবে যে, শিলবন্ধ নৈকন্যে সম্মুখবর্তী হবার  
পূর্বেই মহাবেগে আক্রমণ করবে, যে পর্যন্ত দেখবে একটি হিন্দু  
সেনা জীবিত আছে, সে পর্যন্ত যুদ্ধে পৃষ্ঠদান করিবে না। আজ  
যুদ্ধে পরাভব হলে অনন্তকাল পর্যন্ত আমাদেরকে আর্ধ্যকুলকলঙ্ক  
কাপুরুষ বলে লোকে ঘৃণা করবে। স্লেচ্ছের অধীনতা অপেক্ষায়  
যত্নও শতগুণে শ্রেয়ঃ। যুদ্ধে যে কাপুরুষতা দেখাবে, কি পৃষ্ঠদান  
করিবে, তাহাকে আমি হয় বিনাশ, না হয় নির্বাসিত করব। আর  
যিনি যত বীরত্ব দেখাবেন, আমি প্রাণ দিয়াও তাদের উপকারে  
যত্নশীল হব। দেখ সৈন্যগণ! মাতৃভূমির প্রতি আমার যে স্নেহ  
তোমাদেরও সেইরূপ। আজ একসার্থে, একমনে, একবলে, সকলে  
উপস্থিত সংগ্রামে বন্ধপরিকর হও। বল দেখি, ত্রাস সমান নীচ,  
নরাধম, পশু, পিশাচ জগতে আর কে আছে, যে অন্যায়সে  
মাতৃভূমি মাতৃভূমি স্লেচ্ছ-করে অর্পণ করে দাসত্ব-শৃঙ্খলে বদ্ধ হতে  
পারে? সে স্বর্গিত কুলাদার বজ্রাহত হউক। কোন্ নরাধম  
পামর মাতৃবন্ধে স্লেচ্ছপদাঘাত সম্মুখে দাঁড়িয়ে সহ্য করে

পারে ? আমরা আজ যদি রণে ভঙ্গ দেই, কি পরাভব স্বীকার  
করি, তবে, আমরাও সেইরূপ পানর এবং নরাধম মধ্যে গণ্য  
হবো ! আমাদের সম্মুখে গাভতুল্য প্রিয় জন্মভূমি স্লেচ্ছপদে দলিত  
হবে, তাই কি আমরা সহ্য করব ? দেখ, ঐ শিলবক্ষ আসছেন ।  
তোমরা এখন জয়ধ্বনি করে প্রস্তুত হয়ে দাঁড়াও । (সকলে  
একত্রে, জয় মহারাজাদিরাজ চন্দ্রগুপ্তের জয় )

[ দর হইতে স্লেচ্ছসৈন্যগণ, জয় মহাবীর সিলিউকসের জয় ]

চন্দ্র । (সৈন্যের প্রতি) আর দেখ কি, আক্রমণ কর,  
আমার বিনাশ হলেও তোমরা ভীকৃত স্থায় রণে ভঙ্গ দিও না ।

(হিন্দু সৈন্যগণ, জয় মহারাজ চন্দ্র গুপ্তের জয়)

[ স্লেচ্ছসৈন্যগণ নিকটবর্তী হইয়া, জয় মহাবীর সিলিউকসের জয় ]

(উভয় সৈন্যে দোবতর যুদ্ধ, এবং অধিক সংখ্যক স্লেচ্ছসৈন্যের নিপাত)

চন্দ্রগুপ্ত । (শিলবক্ষের প্রতি) মহাশয় ! এ কোন্ বীর-  
দের চিহ্ন যে নারীসঙ্গে যুদ্ধক্ষেত্রে অবতীর্ণ হয়েছেন ? আপনি  
জানেন্ যে, আর্য্যযোদ্ধা কখনও নারী কি দুর্ব্বলের প্রতি অস্ত্র-  
ক্ষেপ করে না । নারীর অঞ্চল ধরে কে যুদ্ধে এসে থাকে ?

শিলবক্ষ । (সক্রোধে) অগণ্য সৈন্য আপনার বল, আমার  
অল্পসংখ্যক সৈন্য । সহস্র মেঘ চেষ্টা করিলে একটি ব্যাত্রকে  
কি বধ করিতে পারে না ? আপনাদিগের বীরত্বে ষিক ।  
আমাদের নারী হতেও হিন্দুযোদ্ধা সাহসহীন ।

চন্দ্র । (তড়িৎবেগে অসি ঘূর্ণিত করিয়া) কি ?—কি বল্লে,  
স্লেচ্ছশূর ?

জান না আর্য্য-বীরত্ব-বারতা  
অসীম শক্তি কত তারা ধরে,  
বীর্য্যে সিংহ সম, শত্রুর শমন,

মেঘ-শি শু জানে নাহি গণে কারো ।  
 দেখাইতে বল মহা কুতূহলে,  
 লক্ষ শক্রমাকে অমিত সাহসে  
 এক আৰ্যাসুত প্রবেশে সহাস্ত্রে  
 আপনা ভুলিয়া রণরঙ্গ মাতি  
 নহে তায় ভীত সে বীরকেশরী ।  
 কে শুনেছে কবে সমরে কাতর  
 আজন্ম-অভীত, রণরঙ্গপ্রিয়  
 অগ্নি আৰ্যাসুত অরাতি-ইকনে ?  
 এস স্নেহবীর সম্মুখ-সংগ্রামে  
 মিটাইব তব বাসনা অসুখ,  
 দেখাইব আজ আৰ্যের সাহস,  
 আৰ্যের বীরত্ব, আৰ্যের কৌশল ।

বীরবালা । ( চন্দ্রগুপ্তের মস্তকে পুষ্প বৃষ্টি করিতে করিতে )  
 মম আৰ্যকুল-গৌরব ছাত্রকোতন !!!

চন্দ্র । মহাবীর্যো আজ এই অসিঘাতে  
 দেখাব তোমার শমন মুহূর্তে  
 এস দেখি শূর ! ধর কত বল ?  
 শিল । তবে এস ।

( উভয়ের পরস্পর যুদ্ধ এবং অসিঘাতে শিলবন্ধের মুহূর্ত )

বীরবালা । হা পিতা ! ( পতন ও মুহূর্ত )

চন্দ্র । ( সৈন্যের প্রতি ) ধর ধর, ধর, একি হলো, ( বীর-  
 বালাকে কোড়ে ভুলিয়া বসাইয়া ) একটুকু জল আনি, ( মস্তকে  
 বাতাস করিয়া ) ইনিই কি শিলবন্ধের কন্যা ?



( আর্ঘ্যমৈন্য কর্তৃক শিলবন্ধকে রাজ-শিবিরে লইয়া যাওয়া )

বীরবাল্য । (চৈতন্য প্রাপ্ত হইয়া এবং অঙ্গি হস্তে দাঁড়াইয়া )

মহারাজ চান্দ্রকোতম্ ! আপনি আমার পিতৃশত্রু হলেও (ক্রন্দন)  
আপনার বীরত্বে ধন্য, ধন্য আপনার বাহুবল, আমি প্রতিজ্ঞা  
করেছিলাম আজকার যুদ্ধে, যিনি অধিক বীরত্ব দেখাবেন, তাঁকে  
এই কুমুমমাল্য স্বহস্তে গলে পরাইয়া দিব । আমুন মহারাজ !  
প্রতিজ্ঞা রক্ষা করি । ( চন্দ্রগুপ্তের গলে মাল্য দান ) তথাপি  
আপনি আমার পিতৃশত্রু, আমার পিতৃদেবকে বধ করেছেন ।  
আমি কি পিতার ঋণে আবদ্ধ থাকুব, ( অঙ্গি নিক্ষেপিত করিয়া )  
আমুন মহারাজ, পিতৃধার শোধ দিয়ে প্রাণ পরিত্যাগ করি ।

চন্দ্রগুপ্ত । ( বিস্মিত হইয়া ) ধন্য মহাবীর শিলবন্ধের  
কুমারী ! আজ থেকে তোমার বীরমূর্তির প্রতিবীর-গৃহে পূজা  
হবে । তুমিই পিতার স্মৃসস্তান ।

বীর । ( ক্রন্দন করত ) পিতৃশোক হৃদয়ে আর সহ হয় না,  
মহারাজ ! অস্ত্র গ্রহণ করুন ।

চন্দ্র । বালে ! আমি অস্ত্র গ্রহণ করুব না । আর্ঘ্য-সস্তান  
কখনও নারীরক্তে অস্ত্র কলুষিত করে না । তোমার আশ্চর্য্য  
বীরত্বের পুরস্কার স্বরূপ, তোমাকে শরীর দান কল্লেম, তুমি  
আমায় অঙ্গির আঘাতে খণ্ড খণ্ড করে পিতৃঋণ হতে মুক্তি লাভ  
কর ।

বীর । ( অস্ত্র ত্যাগ করিয়া ) হা, পিতঃ ! বিদেশে, বিপাকে,  
শক্রমাত্রে জনমের তরে আমার পরিত্যাগ কল্লে । ( পতন ও  
মূর্ছা ) ।

[ পট ক্ষেপণ । ]

## দ্বিতীয় দৃশ্য ।

মহারাজ চন্দ্রগুপ্তের রাজধানী—এক নিভৃত গৃহ ।

বীরবালা এবং চন্দ্রগুপ্ত আসীন ।

চন্দ্র । বালে ! দণ্ডে দণ্ডে তুমি মুচ্ছিত হয়ে পড়ছ কেন ?

বীর । মহারাজ ! পিতৃশোক আমি আর সহ্য করতে পারি  
না । ( কন্দন )

চন্দ্র । ভয় নাই, তোমার পিতা জীবিতই আছেন ।

বীর । তিনি কোথায় ?

চন্দ্র । তিনি বন্দী হয়ে আমার গৃহে আছেন ।

বীর । কি ? তিনি বন্দী ? ( মুচ্ছা )

চন্দ্র । পিতৃ-অপমানে, আঘাতিত কণিনীর ন্যায় বীরবালা  
মাথা কুটছেন । উঃ বালিকার এত অভিমান !! ( বীরবালার মুখে  
জলনেক ও বীজন ) ।

বীর । মহারাজ ! শত্রুকন্যার প্রতি এত যত্ন কেন ? আমাকে  
ছেড়ে দিন, একবার ব্যাধজ্বালে পরিবেষ্টিত সেই সিংহকে দেখে  
আসি । ( কন্দন ) বাবাকে একবার দেখে আসি ।

চন্দ্র । কোন চিন্তা নাই, তোমার বাবাকে দেখতে পাবে ।  
তীর জন্য কিছু ভয় নাই । আমরা পামর নই, বন্দীর প্রতি  
কখনও অসহ্যবহার করি না । তিনি বন্দী হয়েও রাজার মত মুখে  
আছেন । তুমি তাঁর জন্য ভেবে আর মুচ্ছিত হইও না । আমি  
কত কষ্টে আজ চার পাঁচ বার তোমার মুচ্ছাভঙ্গ করেছি ।

বীর । ( কন্দন ) হা দৈবর ।

চন্দ্র । এই ত আমার ছুমি কাঁদছে ।

বীর । আমার শরীর অত্যন্ত অস্থির হয়েছে ।

চন্দ্র । তবে শয়ন কর, আমি তোমায় বাতান করি । ( বীর-  
কালার শয়ন )

চন্দ্র । ( স্বগত ) এমন নারীদুর্লভ রূপমাধুরী তু কখনই  
দেখি নাই । স্নানমুখী পদ্মিনীর যে কেমন একটি নিভৃত চারু  
কান্তি আছে, তাহা কবিরও জ্ঞানের অগোচর, সে নিষ্প্রভ স্নিগ্ধ-  
কান্তি এখন আমি দেখতে পাচ্ছি । উষার স্নান চন্দ্রিমায়, যে  
কেমন একটুকু গুপ্ত মাধুরীর আভা খেলা করে, তাহাও কবির  
স্থলজ্ঞানে স্থান পায় না । আজ্ কবি এনে দেখুক তব্বীর সুকৌ-  
মল স্নান চন্দ্রবদনে কত শোভা !

বীর । ( চাহিয়া ) মহারাজ ! আপনি যে আমার জন্য  
স্বার্থের নিজে পবিত্যাগ করেছেন । আমার প্রতি এত দয়া !!  
আমার সামান্য জীবন ত এ গ্নণশোধের উপযুক্ত নয় ।

চন্দ্র । বীরবালে ! রোগীর শুশ্রূষা, শোকাভুরের সাস্থনা,  
দুঃখীর অভাব মোচন, আশ্রিতের জন্য জীবনদান এবং ভীরুর  
প্রতি ক্ষমাদান এ আমাদের স্বভাবলিঙ্গ এজন্য তুমি গ্নণী হবে না ।

বীর । মহারাজ ! এক্ষণ হতে কে মুক্ত কর্দে ?

চন্দ্র । একবার আমি তোমার পিতার নিকট বাই ।' আজ্  
তোমার পিতাকে নির্মুক্তি দান করব । আর তোমাদের আমার  
গৃহে বাসজনিত কষ্ট অনেক দিন ভোগ কর্তে হবে না ।

বীর । (দীর্ঘ নিঃশ্বাস সহকারে চন্দ্রগুপ্তের প্রতি দৃষ্টি করিয়া)  
মহারাজ ! আর একবার কি দেখা হবার প্রত্যাশা করতে পারি ?

চন্দ্র । (সহাস্যে) অবশ্য ।

[ চন্দ্রগুপ্তের প্রস্থান ।

বীর । ( স্বগত ) হৃদয় ! তুমি ধন্য, অযোগ্য লোকের প্রতি

## বীরবাণী ।

ধাবিত হও নাই । তুমি যাঁর জন্য ব্যাকুল, তিনি রাজেন্দ্র, নরেন্দ্র,  
এবং বীরেন্দ্র । আজ শোকসুখবিমিশ্র হৃদয় কেমন একভাবে  
উদ্বেলিত হচ্ছে । পিতার হীনতায়, এবং যাঁহাকে হৃদয় দান  
করেছি, তাঁর বীরতায়, ক্রমে সুখ দুঃখের তরঙ্গ মহাবেগে  
আঘাত করছে । আমার সুখ দুঃখ আজ সকলই লাগরনমতুল  
অপার, এখন আমার শান্তিই মৃত্যু ! জগদীশ, আমি এখনি  
মরি, উঃ । ( দীর্ঘনিঃশ্বাস )

একজন দাসীর প্রবেশ ।

বীর । তুমি কে ? কি চাও ?

দাসী । আমি দাসী, মহারাজের আদেশে আপনার গুশ্চ-  
বায় নিযুক্ত হয়েছি ।

বীর । মহারাজ কোথায় ?

দাসী । দেওয়ানে ।

## তৃতীয় দৃশ্য ।

চন্দ্রগুপ্তের রাজধানী ।

বনিগৃহ ।

শিববক্ষ । ( স্বগত ) মহাবীর ছান্দ্রকোতলের বীরত্ব দেখ-  
লাম । এরূপ মহাবীর আমি কখনও দেখি নাই । হায় ! আমি  
স্বদেশে কি বলে আর এ পাপমুখ দেখাব । হা মা বীরবানে !  
তুমি কোথায় ? প্রাণেশ্বরী দানিনীর আজ কি দশা হয়েছে । উঃ ।  
এখানে অন্ন থাকলে এ কলঙ্কিত জীবন এই মুহূর্তে পরিত্যাগ

কর্তব্য । “লোভে পাপ, পাপে মৃত্যু” আমার তাই হয়েছে । কত রাজ্য জয়, এবং কত রাজাকে বন্দী ও অস্ত্রশূন্য কଲ্লম, অবশেষে এখানে আমার পোষিত দর্প একেবারে চূর্ণীকৃত হলো । মহাবীর ছান্দ্রকোতম্ ! তুমি কি আমারই দর্প চূর্ণ করতে তুমণ্ডলে জন্মগ্রহণ করেছিলে ? যাহাকে মৃগাল-সূত্রের স্মায় লঘু বোধে অবহেলা করেছিলাম, সে যে দেখি মহাবজ্র হতেও মহা ভয়ঙ্কর !!!

তুই জন সৈন্য এবং চক্র গুপ্তের প্রবেশ ।

চক্র । (সমভ্রমে) বীরবর ! যদিও কৰ্মদোষে আজ্ আপনি আমার গৃহে বন্দী, তথাপি আপনার বীরত্বের তুলনা নাই । আমি আপনাকে কারামুক্ত করিলাম । আসুন, আপনাকে বন্ধু-ভাবে আলিঙ্গন করি ।

শিল । আপনি আমার পরম শত্রু, কিরূপে আমার বন্ধুভাবে গ্রহণ করবেন । আমি জানি আপনি সুসভ্য এবং বীরধর্ম পালন করে থাকেন । তবে বীরের বন্ধুভাবে আলিঙ্গন আর কি হতে পারে । আমার অস্ত্র দান করুন, তবেই যথেষ্ট হবে ।

চক্র । নথাবিহিত সন্ধি করতঃ আপনাকে অস্ত্র দান করিব, এবং আপনাকে মুক্ত করিব ।

শিল । আমি মুক্তি চাই না ।

চন্দ্র । আপনার তবে কি ইচ্ছা ?

শিল । আজ্ দেখ্ব আপনি কেমন সত্যপ্রিয় ।

চন্দ্র । আর্স্যসস্তান মৃত্যুশয্যায়াও সত্যপ্রিয় ।

শিল । আপনি অস্ত্র গ্রহণ করুন, আমার অস্ত্র আমার হস্তে দান করুন, সকলের নিকট আজ্ উভয়ের বীরত্ব প্রদর্শিত হউক । আপনি আমার এই কথাটি রাখিলে জানিব, আপনি প্রকৃত বীরপুরুষ ।

চন্দ্র। (সদর্পে) আৰ্য্যসন্তানের যুদ্ধ অতি-প্রিয়-খেলা। ইহাতে  
 যে পৃষ্ঠদান করে, সে ভীৰু, সে কাপুরুষ। আপনি বন্দী, আপ-  
 নার প্রতি আমি যথেষ্ট ব্যবহার করিতে পারি, এখন আপনার  
 প্রস্তাবে অনিচ্ছা প্রকাশ করিলেও, আমার নাম মহাবীর শিল-  
 বন্ধের মস্তকোপরি স্থানিত হইবে। আমার নামে শিলবন্ধকে  
 মাষ্ট্রাক প্রনিপাত করিতে হইবে। তথাপি আমি অসম্ভব বীরো-  
 চিত এবং আৰ্য্য-সাহসের বলে আপনাকে বলিতেছি, আমি  
 আপনার প্রস্তাবে সম্মত হইলাম। আৰ্য্যসন্তান ভীৰু নয় যে, সে  
 যুদ্ধে অনিচ্ছা প্রকাশ করবে। (জনাস্তিকে) যাও, তুমি এখনই  
 ছুইখানি তীক্ষ্ণধার অসি লয়ে এস। (শিলবন্ধের প্রতি) চলুন,  
 আপনার বাসনা পূরাইগে।

[ উভয়ের প্রস্থান।

### চতুর্থ দৃশ্য।

রাজভবনের সম্মুখবর্তী প্রাঙ্গণ।

নাগরিক, সেনা, বাদ্যকর।

(নিষ্কোষিত অসিহস্তে শিলবন্ধ এবং মহারাজ চন্দ্রগুপ্তের প্রবেশ।)

(নাগরিকগণ, এ কি! একি!!)

শিলবন্ধ। (অসি ঘুরাইয়া) এইবার সাবধান হউন।

( উভয়ের তুমুল সংগ্রাম এবং শিলবন্ধের পতন )

চন্দ্র। (জানু দ্বারা শিলবন্ধের বক্ষ চাপিয়া এখন ? (অসি  
 উঠাইয়া) এবারও কি আপনি অস্বীকার করবেন, পরাভূত হইবেন  
 নাই ? (চারিদিক হইতে, জয় মহারাজ চন্দ্রগুপ্তের জয় এবং  
 মৃদুল বিজয় বাদ্য)

[সকলের প্রস্থান।

## চতুর্থ দৃশ্য ।

রাজ-অস্ত্রঃপুর—গৃহ ।

বীরবালা এবং চন্দ্রগুপ্ত ।

চন্দ্র । বীরবালে ! তোমার পিতা মুক্ত হয়েছেন । তোমাদের সৈন্যগণ মুক্ত হয়েছে । তুমি কাল পরমানন্দে তাঁদের সঙ্গে যাবে ।

বীর । (দীর্ঘ নিঃশ্বাস) মা কোথায় ?

চন্দ্র । সকলেই আছেন ।

বীর । নক্ষি-পত্রে কি লেখা হয়েছে ?

চন্দ্র । তোমার পিতা আর এদেশে কখনও আসবেন না ।

বীর । কি ? বন্ধুত্বাবেও আসবেন না ?

চন্দ্র । শত্রুরাজ্যে এসে তাঁর প্রয়োজন কি ?

বীর । আমরা যাব কবে ?

চন্দ্র । যে দিন ইচ্ছা । একটি কথা বস্তুতে চাই ।

বীর । কি কথা ?

চন্দ্র । যদি পালন কর, তবে বলি ।

বীর । (অশ্রুপাত করতঃ) প্রাণ দিয়েও পালন করব ।

চন্দ্র । (সহাস্ত্রে) শত্রুর জন্ত প্রাণদান কি সম্ভবে ?

বীর । (কাঁদিয়া) অবশ্য সম্ভব, কিন্তু আঘাতে আজ তা সম্ভবে, আপনি বলুন ।

চন্দ্র । চন্দ্রগুপ্ত বলে জগতে এক জন্ম আছে, এই কথাটি তোমার মনে থাকবে কি ?

বীর । (বাকুল ভাবে) এ কথা কি সছুত্তর দিব আনায়  
নিখাইয়া দিব ।

চন্দ্র । আমাকে অপরাধী মনে করিলে ক্ষমা করো । আর  
তা হলে এ পাপীর নাম যেন তোমার হৃদয় কলুষিত না করে ।

বীর । (সখেদে) প্রিয়তম ! (দন্তে জিহ্বা কাটিয়া) আনায়  
ক্ষমা করবেন । রাজন্ ! আপনার কথাগুলি হৃদয়স্পর্শিনী । সপ্ত-  
সমুদ্র পারে এ হতভাগিনী আপনার নাম করবে, তার আপনার  
তুল্য উন্নতহৃদয়ীর কি সুখ দিবে জানি না । আগে আনায় তাই  
বলুন । (চক্ষুর জল মুছিয়া) আর আমি কিছু বলিতে পারি না ।  
আনায় ক্ষমা করুন । আমি মুখরা অবলা নই ।

চন্দ্র । তুমি আনায় মনে স্মরণ রাখবে, একথা মনে করে যে  
আমার কত সুখ হবে, বলিতে চাই না । তোমার কাছে শিক্ষা  
করে আমিও মনের ভাব চাপিয়া কথা কহিতে জানিলাম । তাই  
এইমাত্র বলছি, উহা সুখের জন্ম নয়, তবে কেন যে তুমি আনায়  
মনে করবে, আমার বেসু বোধ হচ্ছে, আমার হৃদয়ের সহিত কথা  
কহিতে পারিলে, তার সছুত্তর পাইতে ।

বীর । আমরা নারী, সকল সময়ে মনের বেগ চাপিয়া না  
করিলে হতে পারে না । অন্যথা, আপনারাই আমাদের ঘৃণা  
করে থাকেন । আমরা আজন্ম-স্মরণ সুখ দুঃখ মনেতেই চাপিয়া  
রাখি, জগদীশ্বর এইজন্যই আমাদের সৃজন করেছেন । (চক্ষুর  
জল মোচন)

চন্দ্র । কেন তোমার চক্ষুর জল পড়ছে যে ?

বীর । তার অনেক কারণ আছে আপাততঃ শুনে কিছু  
প্রয়োজন নাই । কোনও দিন বলবার সময় হলে বলব ।

চন্দ্র । আর কবে আমার দেখা পারে, বীরবালে ?



বীর। ঈশ্বরেচ্ছায় তা বড় আশ্চর্যের বিষয় নয়, তবে এই পর্যন্ত বলতে পারি, যদি কখনও আমার কিছু বলিবার হয়, তা আপনি ভিন্ন আর কারো কাছে বলব না।

দাসীর প্রবেশ।

দাসী। মহারাজ! মন্ত্রী মহাশয় আপনার অপেক্ষা করছেন।

চন্দ্র। (বীরবালার প্রতি) তুমি আর কিছু পরেই পিতৃশিবিরে যাইও, তোমার পিতা ক্ষুব্ধ হয়েছেন। আমার বোধ হয়, আর তোমার সচিব দেখা করার সময় হয়ে উঠবে না। তবে এইমাত্র মিনতি, পিতৃশক্ বলে উপেক্ষা করিও না।

বীর। (সেউলনয়নে) কি? উপেক্ষা!!

[ চন্দ্রগুপ্ত ও দাসীর প্রস্থান।

বীর। (স্বগত) হৃদয়! তুমি শাস্ত হও। তুমি আর আমার ব্যাকুল করো না। তুমি রূণা কেন দক্ষ হও।

পঞ্চম দৃশ্য।

সভাকুটুম।

মহারাজ চন্দ্রগুপ্ত এবং চাণক্য।

চাণক্য। মহারাজ! আমি যদি গুপ্তচর শিলবক্ষের শিবিরে না পাঠাতেম তা হলে সর্কনাশ হতো। হেওপালের কু-অভিসন্ধি সিদ্ধ হলে আজ সর্কনাশ হতো।

চন্দ্র। আপনার ন্যায় বৃহস্পতি মন্ত্রী যার শুভ কল বাঞ্ছা করে, তার আর ভাবনা কি? আপনি সংসারে এনে যে মহৎ

কার্য সকল ক্রমে তীক্ষ্ণ বুদ্ধির গুণে সুসিদ্ধ করিলেন, আপনার বশ  
সুসুগান্তরেও লোকমুখে বাস করবে ।

চাণক্য । বাহোক, শিলবন্ধ সপরিবারে শিবিরে গিয়াছেন ।  
সন্ধিপত্র ইত্যাদি সমস্ত প্রস্তুত হয়েছে, কেবল আপনার স্বাক্ষরের  
অপেক্ষা । তা হলেই তিনি দেশ পরিত্যাগ করে যাবেন । (সন্ধি-  
পত্র দান এবং চন্দ্রগুপ্ত কর্তৃক স্বাক্ষরিত হওন)

চন্দ্র । তবে আর আপনি গোপ করবেন না । একবার শিল-  
বন্ধের শিবিরে যান ।

[চাণক্যের প্রস্থান ।

চন্দ্র । (স্বগত) বুদ্ধেত জয়ী হলেম । দুঃখের নিশি অবসান  
হল, কিন্তু সেই সঙ্গে সঙ্গে চারুচন্দ্র হারালেম । বীরবালে ! তুমি  
কুসুম-মালা দিবার ছলে কি আমার মন কেড়ে নিলে ? তুমি  
সামান্য মানবী নও, তুমি অমূল্য নারী-রত্ন, বুদ্ধ-সমুদ্রে কাঁপ দিবে  
তোমায় ভুলেছিলাম । আবার তুমি অতল জলে নিমগ্ন হলে !  
যাও ।

একজন প্রতিহারীর প্রবেশ ।

প্রতি । (প্রণাম পূর্বক) মহারাজ ! এই পত্রখানি শিলবন্ধের  
শিবির থেকে এসেছে । (পত্র প্রদান)

চন্দ্র । পত্র কে লয়ে এসেছে ?

প্রতি । (করযোড়ে) মহারাজ ! যে পত্রখানি লয়ে এসেছিল,  
সে এই পত্রখানি আমার হাতে দে তাড়াতাড়ি চলে গেল ।

চন্দ্র । (পত্রপাঠ) "প্রাণেশ্বর," একি ? না, মুছে ফেলেছে ।  
আগে প্রাণেশ্বরই লিখেছিল, বা হোক পত্রখানি পাঠ করে দেখি,—  
রাজম্ ।

[রাজাদেশে প্রতিহারীর প্রস্থান ।

“রাজনু !

দুঃখিনী চিরকালের জন্য বিদায় চায়, অন্যের শুলচক্ষে আমি দুঃখিনী নহি, ফলতঃ আমি নিতান্ত দুঃখিনীর বেশে চলিবার সময় হৃদয়ের বেগ আর সঙ্কুচিত রাখিতে পারিলাম না। আপনি যখন আমার কথা শুনিবার জন্য অগ্রহ প্রকাশ করিয়াছিলেন, তখন এ দীনা বলিয়াছিল, সময়ে জানাইবে। এখন আমার সময় উপস্থিত হইয়াছে। আমি স্ত্রী-প্রচলিত রীতির ব্যতিক্রম করিয়া আপনারে পত্র লিখিতেছি, সোধ হয়, আমার ভাষাতে অধিকারও থাকিতে পারে; বাহা হউক আমি অধিক কিছু বলিতে চাই না, আমার উদ্ভূতা ক্ষমা করিবেন। আমি আপনার সদৃশে, হারি মানিয়াছি, আপনা হারিয়াছি। এদিকে পিতা ঠাকুর আপনার নিদারুণ প্রহারে মূম্বু-দশায় ধরাবলুষ্ঠিত হইতেছিলেন, এদিকে আমি আপনার বীরত্বে ভুলিয়া পুরস্কার স্বরূপ পুষ্পমালা আপনার গলে পরাইয়া দিই। “প্রিয়বর !” হৃদয়বেগ স্মরণ করিতে না পারিয়া হঠাৎ এই সঙ্কোচনটি লিখিয়া ফেলিয়াছি, একবার মনে করিলাম মুছিয়া ফেলি, আবার ভাবিলাম, আপনি ক্ষমা করিবেন; এই ভাবিয়া রাখিলাম, আপনি বাহাই ভাবুন না কেন, হৃদয় আজ আপনাকে এইরূপই সঙ্কোচন করিবে। দুঃখিনী আর আপনাকে, রাজ-রাজেশ্বরকে, “প্রিয়বর” বলিয়াই ডাকিবে, তাই বলি, প্রিয়বর ! আর একটি কথা স্মরণ রাখিবেন, আমি যে করবাল ধারণ করতঃ যুদ্ধক্ষেত্রে অবতীর্ণ হইয়াছিলাম, তাহারও কারণ আপনি। যুদ্ধক্ষেত্রে আপনার অমঙ্গল দেখিলে ঐ তীক্ষ্ণধার অসি এ দুঃখিনীর বড় উপকারে আনিত। আরও কি কিছু বলিতে হইবে? হাঁ, আর একটি কথা বলিবার রহিল, সেই কথাটি আমার নিকট শুনিবার জন্য আপনার অগ্রহাশ্রিত চন্দ্রব-

মনের কত শোভা দেখিয়াছি, সেই শোভা দেখিতে আমার বড়ই  
খিষ্ট লাগিয়াছিল । আপনার সেই প্রশ্নের উত্তর গ্রহণ করুন ।  
আপনার শুদ্ধ নাম নহে, প্রকৃতি আমার হৃদয়ে আমরণ অনপ-  
নের রেখায় অঙ্কিত রহিবে । এখন, ইহাতে যদি আপনার হৃদয়ে  
কিছু সুখও অনুভূতি হয়, তা হলেই আমি ধন্য, তা হলেই আমি  
সুখী হইব । যদি ইচ্ছা হয় পত্রের উত্তর দিবেন ।

আপনার অনুগ্রহাকাঙ্ক্ষী

বীরবালা ।

পুঃ—

• বীরবালা, বীরেশ্বকে হৃদয় দান করিলে তাহার পিতা  
মাতাও সুখী হইবে ।

সিলিউকস্ ।\*

চন্দ্র । হায় ! প্রাণেশ্বর ! গুরুতায় নগাধিরাজ হিমাচল  
তোমার কাছে হারি মানে । বুদ্ধিতে রূহস্পতি তোমার কাছে  
হারি মানিতে পারে, তুমি কি গম্ভীর প্রকৃতি লয়ে জন্ম গ্রহণ  
করেছ । তুমি আমার হৃদয় দান করেছ, কত মানসিক যন্ত্রণা  
সহিয়াও তুমি তাহা মুখস্ফুট কর নাই, আজি জনমের তরে বিদায়  
স্বীকৃতি, হৃদয়-বেগ সঞ্চার করিতে পার না, তাই তুমি এখন  
মনের কথা প্রকারান্তরে বলিলে । যাও, প্রিয়ে ! আজ তোমার  
প্রকথা না বলে গেলেই ভাল হতো, তা হলে আমি পাগল হতাম  
না । পত্রখানি আর একবার পাঠ করি, ( সন্মুখে ) একি !  
এ পত্রের মধ্যে শিলবকেরও নাম দেখিতে পাই, এ নামটি  
কই আগেত দেখিতে পাই নাই । (সহর্ষে) তবে হৃদয়, শাস্ত হও,  
ব্যাকুল হইও না । এখনও আশা-প্রতীপ নিভিয়া যায় নাই ।  
যদি হয়, এ গুণ পত্র শিলবকের হাতে পড়িয়াছিল ।

প্রতিহারীর প্রবেশ ।

প্রতি । মহারাজ ! শিববক্ষের শিবির থেকে আর একজন লোক এসেছে ।

চন্দ্র । তাঁকে এখানে আন ।

মেগেসিসের প্রবেশ ।

চন্দ্র । ( দাঁড়াইয়া হস্ত প্রসারণ করতঃ ) আসুন ।

মেগে । মহারাজ ! নিলিউকস কিছু অসুস্থ আছেন । আপনি তাঁর অভদ্রতা মাপ করুন, তাঁর অনুরোধ মহারাজ একবার শিবিরে যান ।

চন্দ্র । সে কন্ড এত সূজনতার প্রয়োজন কি ? চলুন এক-সঙ্গেই যাই ।

মেগে । মহারাজ ! ক্ষমা করুন, অনুমতি হয় ত আমি কিছু পূর্বেই শিবিরে যাই । বোধ হয় মহারাজের কিছু বিলম্ব হতে পারে । আমি তবে অগ্রসর হই ।

চন্দ্র । চলুন, আমিও যাচ্ছি ।

[ উভয়ের বহির্দেশে গমন ।

ষষ্ঠ দৃশ্য ।

শিবিরাত্যন্তর ।

কুশলা ও দামিনী ।

কুশলা । খুড়িমা, আজ শিবির এত সুনন্দিত হচ্ছে কেন, ওবেলা না আগরা যাব ?

দামিনী । কি দ্বিগ্নে শিবির সাজান হচ্ছে, কুশলে ?

কুশলা । এদেশীয় রাজগণকে পরাজিত করে বত মনি,

মাগিকা, সুবর্ণ ও রৌপ্যখচিত বস্ত্র পেয়েছিলেন তাই দে, এই পাশের গৃহটি এমন সুসজ্জিত হয়েছে, বোধ হয়, যেন ইস্তালায় এর কাছে কোন্ ছ'র ।

দামিনী । কোথা মা ? আমি ত কিছুই জানি না ।

বীরবালার প্রবেশ ।

দামিনী । মা বীরবালে ! আজ তোর এ বেশ কেন ? আলু-খালু চুল, মুখমণ্ডল লাল হয়ে গিয়েছে, হাসি নাই । এত গস্তীর, অধচ ব্যস্ত এবং চিন্তিত তোরে ত কখনও দেখি নাই । (চুখন) মা আমার কেমন হয়ে গেছে, আর তোর চুল গুল বেঁধে দিই । (উপবেশন এবং কবরীবন্ধন)

সিলিউকসের প্রবেশ ।

সিলিউকস । মা বীরবালা কোথায় ?

দামিনী । এইত চুল বেঁধে দিচ্ছি । (বীরবালার সসজ্জমে দণ্ডায়মান)

সিলি । (বীরবালার প্রতি) মা স্বদেশে চল, আর তুত কাল তোমাঙ্গিকে পথে পথে বিদেশে বিদেশে কষ্ট দিব । আমার সঙ্গে সঙ্গে তোমরাও কষ্ট পাও, না নিয়মিত সময়ে আহার, না সুনিদ্রা, না মনের সুখ ।

কুশলা । খুড়ো মহাশয় ! তবে আজই কি আমাদের যেতে হবে ?

সিলি । (দৈবৎ হান্স) হাঁ, এখনি ।

বীর । (বিমর্ষ বদনে বলিয়া) মা, আমার শরীর অত্যন্ত অস্থির হয়েছে ।

সিলি । মা ! হঠাৎ তোমার এ কি হলো ?

কুশলা । বীরবালা, কঁাদছ যে ।

মেগেস্টিসের প্রবেশ ।

সিলি । কি মেগেস্টিস, কার্যনিদ্ধি হনো ?

মেগে । আজ্ঞা হাঁ ।

সিলি । মহারাজ কি আসছেন ?

বীর । ( নহর্ষে দামিনীর প্রতি ) কে আসবে মা ?

মেগে । তিনি হয়ত আর অন্ধ ঘণ্টার মধ্যেই এসে উপস্থিত  
হবেন ।

সিলি । ( সহাস্যে ) মেগেস্টিস, তুমি তবে মহারাজার  
অভ্যর্থনার জন্য থাক । আমরা সকলে ততক্ষণ কিছু দূর যাই ।  
আমার আন মহারাজের সঙ্গে সাক্ষাতের প্রয়োজন নাই । আপা-  
ততঃ আমি আমার স্ত্রী, কুশলা এবং বীরবালী, আর অল্প সংখ্যক  
শরীররক্ষক নৈম্য সঙ্গে করে অধগামী হই, কেমন ?

মেগে । ( সহাস্যে ) বেশ ত ।

( মেগেস্টিস এবং শিলথফের প্রস্থান ।

বীর । ( অবনয় হইয়া শয়ন ) উঃ ।

দামিনী । মা, এমন অবনয় হয়ে পড়লি কেন ? তোর কি  
হলো, উঠে দাঁ না, তোর চুল বাঁধাও ত হলো না ।

বীর । আমি এখন চুল বাঁধব না : মা, ভোগরা সরে যাও,  
আমায় আর বিরক্ত করো না, আমার মন অত্যন্ত অস্থির হয়েছে,  
একটুকু চোখ বুজে পেকে দেখি ।

কুশলা । তুই কাঁদিব কেন লো ?

মেগেস্টিসের প্রবেশ ।

মেগে । ( দামিনীর প্রতি ) আপনারা সকলে ভাল কাপড়  
পরে, বীরবালীকে সাজিয়ে সঙ্গে করে নিয়ে আসুন ।

দামিনী । আমরা কোথায় যাব ?

বীরবালা ।

মেগে । কর্তা মহাশয় এই পাখের ঘরে আছেন, আপাততঃ  
সেইখানে আস্থান ।

দামিনী । এই কি আমরা একেবারে চলেম ?

মেগে । (সহাস্তে) আজ্ঞা হাঁ, শীঘ্র আস্থান ।

[মেগেহিসের প্রস্থান ।

দামিনী । মা, উঠে এখন কাপড় পর, চল ।

বীর । মা,—(মূর্ছা ও পতন)

কুশল । খুড়ী মা, বীরবালার মূর্ছা হলো যে ।

দামিনী । তাই ত, মা বীরবালা, উঠ—( বাতাস প্রদান ও

মুখে জল সেক করতঃ ) মা, কেন তোমার এমন হলো ?

বীর । (চৈতন্য লাভ করিয়া) মা, তবে কি আকই যাব ?

(দীর্ঘ নিঃশ্বাস)

দামিনী । মা, তোর ভাব দেখে, আমার প্রাণ চমুকে গিয়ে-

ছিল, যা হোক এখন তোর জ্ঞান হয়েছে দেখে আমি বাঁচলেম ।



## উপসংহার ।

শিলবন্ধের শিবির ।

শীরক-মণি-মুক্তা-খচিত স্বর্ণাঘরমণ্ডিত মনোহর বস্ত্র-গৃহ ।

রত্নসিংহাসনোপরি মগধরাজ চক্রগুপ্ত, এক পাশে শিলবন্ধ, পশ্চাৎ  
ভাগে গ্রীক-সৈন্য । দক্ষিণ পাশে হিন্দু সৈন্য ।

শিল । মহারাজ, ভারত যে প্রকৃত বীরভূমি, তা এইবার  
আমি বিশেষ করে জানলাম । (নহাস্যে) আমি দিগ্বিজয় কর্তে  
এসে দুইটা অমূল্য রত্ন হারিয়ে চলেম । একটি, বীরভৈরব যশ,  
আর একটি, ● ●

চক্র । মহারাজ ! আপনার যশ এখনও লুপ্ত হইল নাই । আর  
আর একটি কি, বলুন ?

শিল । আর একটি আমার হৃদয়ের মণিস্বরূপা "বীরবালা,"  
আপনি উপেক্ষা না করিলে আপনার বীরভৈরব পুরস্কার স্বরূপ  
তাকে আপনার করে সমর্পণ করিতে বাসনা করি ।

অগ্রে মেগেস্থিস, পরে দামিনী, তৎপশ্চাতে বীরবালা এবং  
কুশলার প্রবেশ ।

শিল । (ব্যগ্রতার সহিত উঠিয়া, বীরবালার হস্ত ধরিয়া) মা,  
বীরবালে । পবিত্র নলিলেই হৃদয় বিসর্জন দিয়াছিলে । এই  
দেখ, বীরভৈরব পরিভূষ্ট হয়ে বীর মস্তকে পুষ্প-রুটি করেছিলে,  
যাঁহাকে গোপনে পত্র লিখেছিলে, এই সেই বীরভৈরব উপস্থিত ।  
আজ আমি তোমাকে এই মহাপুরুষের হস্তে সমর্পণ করি, (চক্র-  
গুপ্তের ও বীরবালার হাতে হাতে সমর্পণ করণ) মা, তুমি বাল্যকাল

কে বীরবলের প্রশংসা করতে, এখন বীর হাতে তোমাকে সমর্পণ  
কর, আত্মীকরণ তাঁর প্রশংসা করেও ভুল হতে পারবে না ।

( দামিনী এবং কুশলা কর্তৃক পুষ্প-বৃষ্টি )

কুশলা । খুড়ো মহাশয় কোতুক করে যা বলেছিলেন তাই  
হল ।

দিল । ( কুশলার গণ্ড চূষন করতঃ ) হাঁ মা, যা বলেছিলাম,  
ই হলো । ( হাস্য )

( বীরবালার মূর্ছা এবং পতন )

দামিনী । হার হায় ! এ কি হলো !

বীর । ( উন্মাদের স্রায় ) উঃ, কি আশ্চর্য স্বপ্ন !!!

দিল । ( বীরবালাকে ফোড়ে তুলিয়া ) মা, একবার চেয়ে  
দেখোমার এ স্বপ্ন আর কুরাবে না ।

শ্রী-বক্র-পরিহিত, হস্তবদ্ধ শিশুশাল এবং জনৈক  
সৈনিকের প্রবেশ ।

সৈনিক । আজ পাঁচ দিন হলো আপনার আজ্ঞায় এই উন্মা-  
দে আবদ্ধ রেখেছিলাম, যুদ্ধের ফোলযোগে এ কথা আর কারো  
মত ছিল না, উন্মাদ এ পর্যন্ত আবদ্ধ এবং অনাহারী থেকে মৃত-  
হয়েছে । এখন কি আজ্ঞা হয় ।

বক্র । বসন্তজ্বর সিকুরাতির অবস্থাও এই মত হলো !

দিল । সে কেমন মহারাজ ?

বক্র । মহাশয় ! আমার কাজে কে কি দুর্ভাগিনী মাধমে-  
স্বপ্নে আমি সকলই জানতে পারি । দুর্ভাগি সিকুরাজ আমায়  
জানতে পারেন ।

( বক্রাভিক্কে ) কাল, বীর পুত্র শিশুশালকে বিক্রয়  
করুন এবং সিকুরাজকে সিকুরাজ কোয়ার্টার

শিশুপাল । (ক্রন্দন করতঃ) আমিই শিশুপাল, আমার দুর্-  
বস্থা দেখুন । আমার কোনও অপরাধ নাই । অন্যায়েরে আমার  
প্রাণ ওষ্ঠাগত হয়েছে ।

শিল । (সবিস্ময়ে) কি ? শিশুপাল । তোমার এ কথা কে  
কল্লো ?

(নৈম্য কর্তৃক হস্তের বন্ধন মুক্ত করণ)

শিশু । (বীরবালাকে দেখাইয়া) ইনিই আমার এ দুর্ভাগ্যের  
মূল ।

শিল । (সবিস্ময়ে) কি, বীরবালা ?

শিশু । আজ্ঞা হাঁ, ইনিই আমার জীব বশে ওঁর শরন-ধরে  
যেতে বলেছিলেন ।

চন্দ্র । (রাষকবারিতলোচনে) কি বলে, আবার বল, শুনি,  
(কম্পিত মুষ্টিতে অনি ধরিয়া) মায়াবিনী পিলাচিনীর কথা কি  
বলে ? উঃ উঃ !!!

বীরবালা । (সবিস্ময়ে) একি হলো !!!

চন্দ্র । (ঝটিতি উঠিয়া) কালনার্পিনি !! তুই থাক । (গমনো-  
দ্যোগ)

মেগে । মহারাজ ! এত অধীর হবেন না, আগে সমস্ত বিব-  
রণ শ্রবণ করুন ।

কুশলা । (চন্দ্রওঁদের হস্ত ধরিয়া) মহারাজ ! আমি এর সম-  
স্তই জানি, আমার মিনতি শুনুন, একটুকু অপেক্ষা করুন ।  
আপনি আমার কথা না কুনলে, কখনই আমি হাত ছাড়ব না ।

চন্দ্র । (উপবেশন করতঃ) বল ।

কুশলা । মহারাজ, বীরবালা এ বিষয়ের ব্যাপ্ত ও জানেন না  
আমিই শিশুপালের এ দুর্ভাগ্যের মূল । আমার কথা বিশ্বাস করুন ।

না হলে, তারেশকে ডাকিয়া শুনিবেন, সে এখানে নাই যে, আমার কথা শুনে নেইরূপ বলবে।

দামিনী। মা, তুই বা জানিস, আগে বল।

কুশলা। মহারাজ, বলে বিখান করবেন না, নির্কোষ আমার নিত্য বলত, যাতে বীরবাল্য আমার ভালবাসেন, তাই করে দাও, আমি ও তারেশ কৌতুকের জন্য ওকে আশ্বাস দিতাম। এক দিন ও আমার এতদূর আবদ্ধ করে ধলে যে, আমার ইচ্ছা হয়েছিল খুড়ো মহাশয়ের কাছে বলে এ নির্কোষের শাস্তি দিই। আবার মনে মনে ভাবলেম, তা না করে এ বন্য পশুকে নে কিছু আশ্বাস করি।

শিল। (সবিস্ময়ে) তার পর, তার পর।

কুশলা। তার পর, আমি বলেম, রাজকুমার! বীরবাল্য আপনার প্রতি যথেষ্ট ভালবাসা আছে। তাইতে এর এত আনন্দ হলো যে, হাত তুলে গাইতে আরম্ভ করলেন। (সকলের হাস্য)

শিল। তার পর?

চন্দ্র। তবে কি সকলই এই নরাধমের দুষ্কৃতি?

কুশলা। মহারাজ! শুনুন। আমি বলেম, মহাশয়! এত গোলমাল করবেন না, স্ত্রীর বেশে গুপ্তভাবে আপনাকে বীরবাল্য তাঁর গৃহে যেতে বলেছেন। তখনই আনন্দে নির্কোষ স্ত্রীলোকের কাপড় পরিধান করে, আমি বলেম, দাড়ি গোঁফ শুদ্ধ গেলে ত হবে না। অস্ত্রে বুঝতে পারবে, এ গুলি ফেলে দিন, তার পর কত করে দাড়ি ফেলিয়ে দিলেম। দাড়িগুলি ভীল করে ফেলে ছিল না, তাইতে, মুখ চিত্র করে দিতে গে, মুখে খানিক চূর্ণ কালি মাখিয়ে দিলেম, উন্মাদ তাও টের পেলে না, তার পর, একে বীর-

বালার গৃহ বলে ফাঁকি দে, যে ঘরে খুড়ো মহাশয় ছিলেন, সেই ঘরে পাঠিয়ে দিই, তার পরেই এঁরা পাগল বলে বেঁধে রাখেন।

সৈন্য। এই দেখুন এখনও এর মুখেব স্থানে স্থানে কালি লেগে আছে।

কুশলা। (ক্রতবেগে গৃহে গমন এবং প্রত্যাঘর্জন করতঃ) মহারাজ! এই দেখুন, শিশুপালের নিজ বস্ত্র আমি লুকিয়ে রেখে-  
ছিলেম। (সকলের উচ্চহাস্য)

চন্দ্র। নরাদমেরা পিতা পুত্রেরে কি তবে পশু? \*

তারেশের প্রবেশ।

তারেশ। (শিশুপালের দিকে দৃষ্টি করিয়া সহাস্যে) কি মহা-  
শয়! খবর কি? মনোবাঞ্ছা ত পূর্ণ হয়েছে? (নিলিউকনের প্রাতি)-  
এ র মঞ্চকে একটি আশ্চর্য্য উপাখ্যান আছে, শুনলে আপনারা  
হাস্য মধুরণ কর্তে পারবেন না।

চন্দ্র। (দীর্ঘ নিঃশ্বাস ত্যাগ করতঃ) আর শুনিবার আব-  
শ্যক নাই। (সকলের আবার হাস্য)

শিল। (এক লক্ষে গিয়া দূত মুষ্টিতে শিশুপালের হস্ত  
ধরিয়া) নরাদম! আজ তুই সর্কনাশ করেছিলি। তোর পিতা  
যেমন অবিদ্বানী, ঘোর নারকী, বর্বর, তুইও কি তেমনি। আজ  
তোম উচিত শাস্তি হবে।

শিশু। (ভূমে লুটাইয়া) আমায় রক্ষা করুন, দোহাই মগ-  
ধেশ্বর! (সকলের উচ্চহাস্য)

তুই জন হিন্দুসৈন্য এবং দেওপালের বনি-অবস্থায় প্রবেশ।

শিল। এ আবার কি?

সৈন্যদ্বয়। মহারাজ, সিন্ধুপতি কারাগৃহ হতে পালিয়ে  
যাচ্ছিলেন, আমরা অনেক চেষ্টায় এঁকে ধৃত করেছি।

চক্র । (দেওপালের প্রতি) আপনার কিছু গাত্র লজ্জা নাই, আপনি ভীক, কাপুরুষ, আপনি ভারতের কুসন্তান, আপনি নর-লোক, আপনি আমার যে সর্বনাশ করবার জন্য প্রস্তুত হয়েছিলেন, আপনাকে এখন শত খণ্ড করে কুকুরের পদে নিক্ষেপ করা যাবে, তবে উচিত নয় । এরূপ বিশ্বাসঘাতকতার জন্য আপনি অনন্ত কাল নিরন্তর ক্ষোণ করবেন ।

দেওপাল । মগধেশ্বর ! আমার নরক-যাতনার অধিক হয়েছে । (কন্দন) জীতি, মান সকলই গিয়েছে । এই দেখুন, মগধের সৈন্যেরা ধরে আমার দক্ষিণকর্ণ ছেদন করে দিয়েছে ।

শিশু । (কোঁদিয়া) ও বাবা, তোমার কান কেটে ফেলেছে, (সকলের উচ্চ হাস্য)

শিল । সিন্ধুরাজ ! এই যে আপনার পুত্র ।

(সৈন্তকর্তৃক পিতা পুত্রকে এক স্থানে আনয়ন)

দেওপাল । শিশুপাল ! বাবা, তোমার এত শাস্তি হয়েছে ।

শিশু । (কোঁদিয়া) অ্যা আর বাবা, তোমারও ত কানটি গেছে, কাড়ী খেলে কি বলবে অ্যা অ্যা অ্যা । (সকলের উচ্চ হাস্য)

চক্র । (সৈন্যের প্রতি) এখন এঁদের লয়ে যাও, কাল বিচার হবে ।

সৈন্তদ্বয় । যে আজ্ঞা,

[শিশুপাল ও দেওপালকে লইয়া প্রস্থান ।

শিবক । (বীরবালার প্রতি) মা, একবার বীরবরের বাসে যোগে, আমাদের চক্ষু জুড়াক (বীরবালার হাত ধরিয়া চক্ষুগুপ্তের স্থান ভাগে বসাইয়া) মা, এখন, নীলিগ-পর্কণ্ডের শোভা দেখে বিস্ময়বন করো, চিত্তকাল নির্ঝরিণীর সুশীতল জন পান করো, আনন্দে ডালি ডালি বনফুলের মালা-গেঁধ । নির্ঝনে রূনপাখীর



